


BAKYUVU MPE BAMVUTU NA ZULU YA HEBREUX KITINI YA I

 Wapi mutindu yandi lendaka sala yawu kukondwa Nzambi? Yina ke vwanda kieleka dyambu, mutindu yina ve? Ya lendaka salama ve kukondwa Mfumu.

Mu ke longa ve na kulandaka bima nyonso yina. Kasi mu vwanda banza ti mu zolaka kuzwa kima ya mutindu ngolo, beno zaba, na yawu mu ke sala mbote na kuyilama. Kasi, oh, ya vwandaka kieleka, kieleka ngolo ve. Na yawu mu banza ti ya kele kieleka ve na bakyuvu mingi na kati-kati ya bantu kuna, ya kele kaka kieleka bakyuvu ya pete-pete mpe ya ngolo ve. Mbote, mu kele na nsayi na kumeka na kupesa mvutu ya yawu na mutindu ya mbote yina munu lenda, na nzila ya lusalusu ya Mfumu.

² Mpe kana mpangi ya kento Arganbright kele awa na nkokila yayi. . . Mpangi ya kento Ruth. Nge kele awa, Mpangi ya kento Ruth? Na lweka awa. Mu ke. . . Oh, yinga, mu kele na adresse awa, mpe. . . Ve, ve. Mbote, mu lenda kuzwa kaka yawu awa. Mu vwandaka na yawu na porte-feuille, mpe mu me bika porte-feuille ya munu na yinzo. Ntangu yayi, kana pulusu bwila munu na kukwendaka na yinzo, mpangi ya bakala Fleeman, nge kwiza sadisa munu. Tuba na Billy ti mu kele. . . me bika porte-feuille ya munu na yinzo, mu ke na kunata ditoma kukondwa mukanda na nkokila yayi. Mpe mu vwanda banza ti mu vwandaka na yawu na posi ya munu; mu vwandaka me soba bilele. Mu kotaka na mbangu, na manima ya midi yayi, mu vwanda zenga mwa matiti kaka na nswalu mpe zolaka bika mpe kusala nswalu mpe kukota, kusoba bilele mpe kukwiza na mbangu awa. Mpe mu—mu me nata lexique, kasi beno lenda kuzwa yawu kaka na manima kuna.

³ Kunyonga ve samu na mukanda *yina*. Kana mu me kuzwaka ntete mosi ve ya kulutila yimbi na yina, ya zolaka vwanda mukanda ya mbote. Ya vwandaka mbote. Ya vwandaka kieleka, kieleka mbote. Mu tubaka na nge mu zolaka tanga yawu ve, kasi mu lendaka yawu ve, nge zaba, mpe mu vwanda lenda dyaka ve kukanga yawu. Mu vwanda kumiyufula yina nge tubaka. Mpe ya vwandaka ya kusonika kieleka, kieleka mbote mutindu mulongisi ya kieleka ya lukolo zolaka sonika. Ya vwandaka mbote, mpe mu sepelaka na yawu. Mpe ya—ya ke pesaka nge. . .

⁴ Beno me mona, mu ke zolaka mikanda ya muntu yina ke—ke vwanda fyoti ya kuswaswana na beno. Beno me mona, kana beno kwenda na ntwala ntangu nyonso, ti muntu ve kuvwanda ya kuswaswana na beno, beno ke kuma ya kukangama. Beno fwana

kuzwa luswaswanu fyoti samu ti beno bakula mpe beno timuna mingi. Mpe—mpe beno ke kota kaka na ornière mosi kana beno tala mbote ve; na yina—na yina beno ke kota na mpasi ntangu beno ke sala yawu. Beno fwana landila kaka mutindu kukwenda na ntwala mpe kuzwa muntu ke vwanda ya kuswaswana na beno mpe kubula mapapu ya beno mbala mosi na ntangu.

⁵ Kuna na Afrika mu talaka bankosi zole, mpe ba vwandaka baniama mosi ya fyoti mingi pene mutindu *yina*. Na matona, mwa, bankosi ya fyoti mingi; nkosi ya bakala ya fyoti, nkosi ya kento ya fyoti. Mpe ntangu yayi, bawu vwandaka talana mutindu bana ya nyawu, bawu vwandaka fyoti mingi mutindu yina, fyoti...baniama ya fyoti ya kitoko, bawu vwandaka sakana kaka. Mpe mu vwanda zola kuvutula bawu na Amerika, mu vwandaka na bawu na mwa yinzo ya bandeke. Mu vwanda zola kuvutula bawu, kasi mu kuzwaka ve ata—ata kima ve samu na kutsokota bawu, ata vaccin. Mpe ba zolaka ve kubika munu kunata bawu na États-Unis kukondwa ti bawu kuvwanda ya kutsokota ntete, mpe mu lendaka ve na kuzwa yawu na Afrika nyonso. Kasi kana beno zolaka kuzaba kana yandi vwandaka nkosi to ve, beno bula yandi kaka mwa mbata fyoti. Yandi ke telama mpe ke lakisa beno ti yandi vwandaka nkosi, na yawu—na yawu na mutindu yina beno ke zaba kisika yandi kele ya kutelama.

⁶ Ya kele mutindu beno fwana sala mbala mosi na ntangu mosi, beno zaba, mutindu kubula mapapu na manima, samu na kuzaba. Kasi, ntangu yayi, beto ke dasuka ve mutindu nkosi; beto kaka—beto zola kaka yawu, na... bantu na kupesa bakyuvu. Mpe bakyuvu mutindu yina, Mpangi ya kento Ruth, kele kieleka, kieleka mbote samu na munu. Ya kele... Mu—mu zola yawu, beno me mona. Ya kele bayina kele kieleka mutindu ya nko yina mu zola ve kuzwa. Kasi bayayi... ya vwandaka mbote.

⁷ Ntangu yayi beto kele na ya mbote, yina ke pesa ngolo, kaka bakyuvu ya yinzo. Ya kele na mulongi na manima kuna na kivinga ya manima kaka ntangu yayi, vwandaka me yufula munu, na kutubaka, “Bapofete nyonso zole ya Apocalypse 11, bawu ke kota na kosalu na ntwala ya Enlevement? To kaka ntete kubaka ya Israël? Mpe yinki...” Ntangu yayi, yina kele mutindu ya bakyuvu yina—yina—yina ke kanga beno. Kasi bakyuvu ya pete-pete yayi mutindi yayi kele mbote mingi.

Kasi ntangu yayi, ntete beto banda, beto kulumusa bayintu ya beto samu na kisambu.

⁸ Tata, ya kele ya kunotika ti ntangu Nge vwandaka na bamvula kumi na zole, ba kuzwaka Nge na Tempelo na milongisi ya misiku mpe bantu ya ndwenga, vwanda solola na bawu na Masonuku. Mpe bawu vwandaka—bawu vwandaka ya kuyituka na... bawu bantu ya ntama, mpe bayina ba longaka mbote na

Masonuku, mpe dyaka kumona mwa Mwana ya pene bamvula kumi na zole kulenda kaka—kaka kutelemina bawu, na ntendulu ya Masonuku. Nge vwanda sala kisalu ya Tata ya Nge. Nge tubaka na mama ya Nge, “Nge zaba ve ti Mu fwana sala kisalu ya Tata ya Munu?” samu na kutendula Masonuku na mutindu ya bawu ya kimpewe.

⁹ Mpe ntangu yayi beto ke sambila, Mfumu, ti—ti Nge zaba mutindu ya kulemba mpe ya kukondwa ngolo beto kele, mpe mutindu ya bantu beto kele na bafoti, ti Nge ke kwiza kaka na beto na nkokila yayi na mutindu ya Mpeve-Santu, mpe ke kwiza tendula Masonuku samu na beto. Mu ke na kuingila mpe ke na kutalaka na Nge. Mpe kana mu lenda, na ntangu mosi, kumeka kutula mabanza to ntendulu ya munu mosi to kima mosi ya munimi, samu na kumeka kusala yawu kuwakana mutindu ti mutindu mu vwandaka tendula yawu zolaka vwanda mbote, kanga yinwa ya munu, Mfumu, mutindu Nge zola . . . Nge salaka na bankosi, ntangu bawu belamaka na Daniel. Nge kele dyaka Nzambi mosi.

¹⁰ Mpe ti ya vwanda ya muvimba . . . Na yina beto ke tala na Mpeve-Santu, ti Yandi monikisa kaka bima yayi na beto. Mpe kuna na yina Yandi ke zonza yawu, sala yawu pwelele mingi ti muntu yina me pesa kyuvu ke lenda kuzwa Yawu. Mpe kana Yawu kupesa mvutu na mutindu yankaka na yina mu ke kwikilaka ntangu nyonso, na yina ti ntima ya munu kusepela mpe, Mfumu, na kuzaba ti mu me kuzwa kima ya malu-malu, mpe mutindu mosi ya mbote ya Mfumu. Samu ti Nge tubaka, “Beno longuka Masonuku, samu ti na Yawu beno ke banza ti beno ke kuzwa Luzingu ya Kukonda nsuka, mpe Yawu kele Yawu yina ke pesaka kimbangi ya Munu.”

¹¹ Ntangu yayi, na manima ya malongi ya Masonuku yayi, kieleka ti ya ke vumbula mabanza mingi mpe nyonso yankaka. Mpe mu ke sambila, Nzambi, na yina ti bakyuvu nyonso yayi ke monana mingi na mutindu ya mbote mpe me lombama na mutindu ya kusalasana, ti Mpeve-Santu na mutindu ya kusalasana mpe na mutindu ya mbote kupesa mvutu na yawu. Samu ti beto me lombama yawu na Nkumbu ya Yesu, mpe samu na nkembo ya Nzambi, mpe kutungama ya Dibuundu ya Yandi. Amen.

¹² Ya kele na bambala mingi ti bamitifi ya munimi to kima yankaka, ke besisaka kaka ntomo ya yawu ya muvimba. Mpe ntangu yayi, bakyuvu na manima ya Masonuku yayi me lombama.

¹³ Ntangu yayi, kana mu ke sala fyoti muyosi na nkokila yayi, mu kele na dinu me katuka. Mpe kana mu tula yawu, mu ke lenda ve kulonga, mu ke kwenda malembe ntangu mu ke longa; kana mu katula yawu, mpe mu ke sala mutindu kusala muyosi.

¹⁴ Mama Billy Graham tubaka disolo na zulu ya bakala ya yandi, ti kilumbu yandi monaka yandi kuvwanda ya kudasuka yimbi, ya vwandaka, kilumbu dinu ya yandi ya mantwala kukatukaka. Mpe yandi zimbisaka yawu, mpe yandi vwandaka kaka na nsamununu na televizyo, mpe—mpe yandi vwanda lenda. . . Ya vwandaka na prothèse na meno yankaka ya luvunu na manima ya yawu. Mpe na yina yandi vwandaka zonza, yandi vwandaka sala muyosi “fiu, fiu” na kati-kati ya meno ya yandi. Mpe yandi tubaka ti bakala yandi vwandaka ya kufukama, vwanda sambila mpe vwanda toka, baminuti kumi ntete nsamununu na televizyo, mpe na nsuka ba talaka yawu kisika yawu kubwaka na mosi ya bapantalo ya yandi na basapatu ya yandi. Mosi ya bantu ke salaka na hôtél talaka yawu, dinu yango ya luvunu. Mpe Mama Graham zonzilaka yawu na zulu ya yandi, mpe pene-pene na awa. Mpe na yawu mu kele na yawu na mwa kitini ya mukanda, mu banza ti mu kele na yawu kaka awa na kati ya Biblia ya munu.

¹⁵ Mpe na yawu ya kele mutindu. . . ntangu beto ke kumaka fyoti ya kukula mpe ya kulemba, beno zaba, mpe ti fwana kuzimbisa bayayi, ya ke salaka yimbi. Mpe na yawu munu. . . ntangu mu vwandaka kisika na Mpangi ya bakala Roberson yina kele na manima kuna, mpe bayankaka, mu vwanda sukula yawu suka mosi mpe mu zengaka yawu na fyoti, mpe ya lungaka ti mu nata yawu na dokotolo, samu na kuyidika yawu. Na yawu ti Mfumu kubwela balusakumunu ya Yandi.

¹⁶ Ntangu yayi beto ke kwenda, ntangu yayi, mu ke meka na kuba mosi na mosi ya yawu, kana mu lenda. Mpe, Mpangi Tony, na lemvo ya Nzambi, mu me kuzwa ntendulu na ndosi ya nge, mpe ya vwandaka mbote mingi. Mu kele na kyese mingi na kumona yawu. Mpe ya kele lutendulu ya mbote, ti mu banza ti mu fwana pesa yawu ve na ntwala ya bantu awa, na yawu mu ke pesa yawu na nge na nge mosi kana nge—kana nge ve. . . kana nge zola yawu na mutindu yina. Yandi yufulaka munu nkokila yankaka yina, yandi kuzwaka ndosi, mpe mu vwanda lenda ve na kutuba na yandi kaka yinki ya vwandaka tii mu kwendaka na Mfumu mpe sambilaka na zulu ya yawu. Na yina Mfumu monikisaka munu yawu mpe tubaka na munu yinki lutendulu vwandaka. Ya kele mbote mingi, mpe bansangu ya mbote samu na nge, Mpangi ya bakala Tony.

¹⁷ Ntangu yayi, na kyuvu ya ntete. Ntangu yayi, mu zaba kaka ve kisika ya kubanda ntete, samu ti bawu nyonso kele mbote. Kasi, ntangu yayi, beto ke meka na kubaka ntangu mingi ve, mpe ya lenda vwanda ti beto lenda manisa yawu na Lumingu, kana beto baka yawu nyonso ve.

51. Tendula yinki ya zola kutuba na “kitumbu ya kukondwa nsuka,” na Matthieu 25:46. “Kasi. . .” Beno tala kyuvu.

52. Na manima, kyuvu ya zole: “Kasi ba ke losa na ngaanda bana ya kimfumu na kati ya mpimpa,” ya kele mutindu kukatula bawu na dibanza ya Nzambi?

¹⁸ Mbopte, ntangu yayi, beto baka kyuvu ya beno ya ntete, yina kele na kati ya Santu Matthieu, na makumi zo- . . . kapu ya 25. Ntangu yayi beto ke . . . Ntangu yayi, mu me longokaka ntete yayi ve, mu vwanda me tala kaka yawu na manima kuna, mpe mu vwanda me meka kaka na kutala yawu na mutindu ya mbote landila mutinu yina mu—yina mu zaba. Mpe munu . . . Beno kwenda na munu na Babiblia ya beno, na yina beto ke longoka Yawu. Ntangu yayi, mu vwanda zola kubaka yayi mpe na lexique ya Grec, samu beno kuzwa ntete ya yawu. Mpe mu—mu zola yawu. Na yawu kuna beto ke kuzwa Yawu na nyonso zole—na nyonzso zole Grec mpe yankaka. Mpe ntangu yayi yayi ke vwanda—ke vwanda mutindu ya malembe, mpe kulongoka, samu ti mu fwana kutanda mpe kubaka Masonuku kaka kisika nyonso mu lenda tala yawu, mpe kukotisa yawu na kisika ya yawu. Mbote mingi.

¹⁹ Ntangu yayi, ya kele na muntu ke zola kuzwa Biblia samu na kulongoka? Kana beno zola, beno telemisa diboko ya beno. Mpe beto . . . Mu banza ti beto kele na tatu to yiya na manima awa. Kana beno zola kulongoka na nzila ya Masonuku, mbote mingi. Mpangi ya bakala Cox, nge lenda kwiza awa mpe kuzwa samu na munu Babiblia yayi? Mpe ya—ya kele mbote samu na beno, kana beno lenda, na . . . (mosi yawu yayi, mpe baka kaka—baka kaka yawu kana nge zola, lutangu yina ya kele). Mpe muntu nyonso yina zola kuzwa mosi, beno telemisa kaka diboko ya beno, ntwenya ya bakala ke nata yawu mbala mosi na beno, beno me mona. Mpe beto zola kulongoka yayi kintwadi, mpe kaka . . .

²⁰ Ntangu yayi, na kutanga yayi mpe bakapu ya nsuka . . . bakapu ya ntete ya sambwadi ya Buku ya Hébreux. Na manima ya malongi, kieleka, mwana ya bakala yina bakaka yayi, malongi yayi, Mpangi Mercier mpe Mpangi Goad, kele na yawu mpe ntangu yayi ke na kuyidikaka na kusamuna yawu na mutindu ya buku. Mpe bawu kele na yawu. Ntangu yayi . . . mpe beto kele na kima ve mutindu kubongisa ndambu, beto me kalata kaka kisika. Mpe mu banza ti bawu me kumisa yawu nkufi . . . mpe me basisa ba-pépité ya . . . mpe me lengula kaka ba-pépité, kaka ba-pépité ndambu ya malongi ya Hébreux. Mpangi ya bakala Mercier ke kuzwa yawu na bilumbu fyoti, ya kusala na mukanda, samu na muntu nyonso yina zola kuzwa yawu.

²¹ Na yina yayi na awa, ya ke nata . . . Beno lenda lutila kaka ve . . . na dibuundu ya ba-evangeliste, na yina yayi kele dibuundu ya evangeliste. Beno lenda lutila ve na malonga kukondwa kuvumbula bantembe mpe mabanza ya bantu mingi. Beno fwana sala yawu. Ntangu yayi, mu kele ntama mingi na kuvwanda mulongisi, ata fyoti ve muntu ya mulabu ya Biblia. Kasi munu ata mbala mosi ve me mekaka na—na kutuba kima, to kusala

kwandi kima mosi, kasi ntete—ntete kulomba to kutala na mutindu ya munu ya mbote kima mosi samu na yawu.

22 Ya lombamaka na munu na mpangi mosi ya bakala ya luzolo, mazono na nkokila, yandi tubaka, “Mpangi Branham, Mpangi Seward tubaka kilumbu mosi ti ba—ba lenda kaka ve kubweta nge na kisika mosi. Beno me mona, ti nge ntangu nyonso kele na nzila mosi ya kubasika to na kubasika na yawu.”

23 Mu tubaka, “Mbote, tala raison ya yawu, mu ke mekaka ntangu nyonso na kubanza ntete mu sala kima. Beno me mona? Mpe kuna kana bantu yufula munu, kuna mu lenda tuba na bawu yinki vwandaka mabanza ya munu. Beno me mona?” Kasi ya kele kana beno banza mbote. Mpe ntete beno sala kima mosi, beno meka na kubaka lweka yina Nzambi zolaka kuzwa ti beno baka, na yina ya ke vwanda kieleka mpasi na kubweta beno.

24 Beno lenda banza ve ntangu yina—yina Achab mekaka na kubweta Élie. Beno lenda meka na kubanza na ntangu yina ba-Pharisien kumekaka na kubweta Yesu? Beno me mona, Yandi vwandaka—Yandi vwandaka na mvutu na nswalu, samu ti nyonso Yandi salaka, Yandi salaka yawu na luzolo ya Nzambi, mpe Yandi . . . ya kele mutindu Yandi—Yandi lendaka na kuzwa yawu. Ntangu yayi, ya kele mutindu beto zola yawu na yayi.

Ntangu yayi kyuvu yina ba me yufula, beto ke landila na kyuvu:

Tendula yinki ya zola kutuba na “kitumbu ya kukondaa nsuka,” na Matthieu 25:46.

25 Ntangu yayi beno kuwa kieleka mbote. Muntu nyonso ntangu yayi, Matthieu 25:46:

Mpe bayayi ke kwenda na kitumbu ya kukonda nsuka: . . .

26 Ntangu yayi, kyuvu kele, “Yinki . . . Tendula . . .” Ntangu yayi mpova ya *mvula na mvula* me katuka na mpova “kukonda nsuka,” mpe *kukonda nsuka* kele “kitamina ya ntangu.” Ya zola kaka kutuba “ntangu mosi,” mutindu *kukonda nsuka*. Ntangu yayi kana beno ke tanga kaka . . . Mu zaba ve nani me sonika bakyuvu yayi, samu ti muntu ve me tula nkumbu ya bawu na zulu ya yawu; ya fwana vwanda ve, mu zola yawu ve, beno me mona.

Kasi bayayi ke kwenda na kitumbu ya kukonda nsuka: . . . (Ntangu yayi beno tala mbote, ya kele bantu ya yimbi.)

27 Ntangu yayi, muntu ya luzolo—ya luzolo yina me yufula kyuvu yayi, beno tanga kaka yina me bikana ya Yawu:

. . . kasi bantu ya kudedama na luzingu ya kukonda nsuka.

28 Bantu ya yimbi ke kwenda na kitumbu ya kukondwa nsuka (na kitamina ya ntangu mosi), kasi bantu ya kudedama kele na

Luzingu ya Kukonda nsuka. Beno ke tala ata mbala mosi ve kitumbu ya Kukonda nsuka, ya lenda vwanda ve. Beno me mona, kana bawu kuzwa kitumbu ya Kukonda nsuka, bawu kele na Luzingu ya Kukonda nsuka; bawu kele na Luzingu ya Kukonda nsuka, bawu kele ya kuvuuka. Beno me mona, ya lenda vwanda ve. Ntangu yayi kana beno tala mbote, kyuvu me yufula yawu mosi. . . me pesa mvutu yawu mosi. Beno me mona?

Mpe bayayi. . .

Ntangu yayi beno tala mbote, mu ke vutuka na ntwala awa:

. . . mpe *bawu* . . .

²⁹ Na ya 20 . . . nzila ya 44:

. . . mpe *bawu mpe* pesaka mvutu, tubaka na Yandi, *Mfumu, wapi ntangu* beto ke *vwanda na nsatu*, wapi ntangu na mpwila, mpe *nzenza*, mpe *kinkonga*, . . . mpe *na boloko, mpe sadisaka nge ve?*

Kuna—kuna yandi ke vutula bawu, na kutubaka, Kieleka mu ke tuba na beno, Bambala nyonso mutindu beno salaka yawu. . . na mosi ya baleki yayi, beno salaka yawu. . . na munu.

Mpe bayayi ke kwenda na kitumbu ya kukondwa nsuka (ya kukondwa nsuka): (ya kele bantu ya yimbi) . . . *kasi bantu ya kudedama na Luzingu ya Kukonda nsuka.*

³⁰ Beno me mona luswaswanu? Bantu ya yimbi kele na kitumbu ya kukonda nsuka, kasi *kukonda nsuka* kele “kitamina ya ntangu.” Ntangu yayi, kana ya zolaka vwanda mutindu mosi, ba zolaka sonika, “Mpe bayayi ke kwenda na kitumbu ya kukonda nsuka, bayankaka ke kwenda na luzingu ya kukonda nsuka.” Beno me mona? To, “Bawu ke kwenda na kitumbu ya Kukonda nsuka, mpe bayankaka yina na luzingu ya Kukonda nsuka.” Beno me mona, kana ya kele na kitumbu ya Seko, samu na kuvwanda ya kusemba samu na kukondwa nsuka mpe kukondwa nsuka, na yina ya kele na Seko. . . yandi kele na Luzingu ya Kukonda nsuka; mpe Luzingu kaka mosi ya Kukonda nsuka, mpe yina ke katukaka na Nzambi. Nyonso yina kele kukondwa mbandukulu kele na ata nsuka ve, nyonso na mbandukulu kele na nsuka. Beno me mona yina mu zola tuba?

³¹ Ntangu yayi, Masonuku Yawu mosi yina muntu ya luzolo yayi me pesa mvutu. . . Ntangu yayi kana beno baka yawu na lexique, “*Mpe bayayi ke kwenda na ainion, ya kukatuka, mpe na kukonda nsu- . . . mpe na tiya, dizanga ya tiya.*” Ntangu yayi, mpova *a-i-n-i-o-n* zola kutuba “kati-kati ya kitumbu.” Na lexique ya Grec, kaka awa, “kati-kati ya kitumbu,” to, “ntangu ya kitumbu.” Beno me mona, “Bawu ke kwenda na ntangu ya kitumbu.” Mpova ba me baka kele, *a-i-n-i-o-n. Ainion*, yina zola kutuba “bantangu, ntangu, ntangu ba me tula ndilu.” Na

yina beno vutula yawu na—na mbangululu awa, na Kingelesi, *kukonda nsuka* kele “ntangu ba me tula ndilu.” Beno me mona, ya me katuka na Grec, “ntangu ba me tula ndilu.” Mpova *ainion*, to *a-i-n-i-o-n*, *ainion* zola kutuba “ntangu ba me tula ndila samu na kitumbu.”

³² Kasi na yina beno tanga bayankaka, “Kasi bayayi ke kwenda na Seko.” Yina kele mutindu yankaka. Beno me mona, Luzingu ya Kukonda nsuka. Ya *Kukonda nsuka* me katuka na mpova “Seko,” mpe Seko kele na ata mbandukulu to nsuka. Ya kele kukonda nsuka *mpe* kukonda nsuka. Ntangu yayi yina zolaka pesa mvutu na yina, beno me mona, samu ti kana beno ke tanga kaka Masonuku kieleka mbote, beno ke mona.

³³ “*Mpe bayayi ke kwenda na kitumbu ya kukonda nsuka, kasi bantu ya kudedama. . .*” Bantu ya yimbi ke kwenda na kitumbu ya kukonda nsuka, ke vwanda ya kusemba samu na kitamina ya ntangu; ya lendaka vwanda kyazi ya bamvula, mu zaba ve, kasi kieleka ba ke semba beno samu na masumu ya beno. Kasi mutindu kieleka disumu kuzwaka mbandukulu, disumu kele na nsuka. Kitumbu kuzwaka mbandukulu, mpe kitumbu kele na nsuka. Mpe difelo kuvangamaka samu na dyabulu mpe bawanzio ya yandi. Beno me mona? Mbote mingi. Ntangu yayi, mu kele na mosi yankaka awa samu na kupesa mvutu na yawu, kaka na baminuti fyoti, ya kele mosi ya kitoko mingi, ya kukangama na yawu.

Ntangu yayi, kasi yayi awa: **“Kasi ba ke losa na ngaanda bana ya kimfumu na kati ya mpimpa,” ya kele mutindu kukatula bawu na dibanza ya Nzambi?**

³⁴ Ve, ya zolaka vwanda ve mutindu mosi. Ntangu yayi, beno ke na kutalaka awa na Madia ya Makwela. Ntangu yayi, “Mpe bana ya kimfumu,” mutindu ya lombamaka awa. Bana ya kimfumu kele ba-Juif, mpe ba losaka bawu na ngaanda na kati ya mpimpa. Mpe ba losaka bawu—bawu na kati ya mpimpa, mpe bawu me lutila na ntangu ya kudila mpe ya bampasi mpe ya kukwetisa meno. Ba losaka bawu na kati ya mpimpa samu ti ya ke pesa beno mpe munu ntangu ya kubalula ntima, kasi ba vwandaka ata mbala mosi ve ya kukatula na dibanza ya Nzambi. Ata mbala mosi ve ti Yandi ke zimbana Israël. Mpe Israël, mutindu kitangi nyonso ya Biblia zaba, ke na kutala na “bana ya kimfumu.” Beno me mona, ya kele kimfumu, nsilulu. Na bampova yankaka, Nzambi ke na kusalaka na yinsi, ntangu Yandi vwandaka sala na Israël, yina kele bana ya kimfumu.

³⁵ Ntangu yayi, beno ke bambuka moyo, Yandi tubaka kuna, “Mpe Abraham mpe Isaac mpe Jacob,” na kisika mosi, “ke kwiza mpe ke vwanda na kimfumu na nsuka ya ntangu.” Beno me mona, mpe ti Abraham, Isaac mpe Jacob ke vwanda na kimfumu; bawu vwandaka, bawu vwandaka bana ya lusakumunu ya

kimfumu. Kasi ba ke losa na ngaanda bana ya kimfumu na kati ya mpimpa.

³⁶ Ntangu yayi, kisika kutala ke katuka awa ya kele—ya kele Bakala ya dikwela. Ntangu Bakala ya makwela ke kwiza, na yina bawu vwandaka . . . Bamwense tanu basikaka samu na kukutana na Mfumu, mpe—mpe bawu bakaka ata mafuta na mwinda ya bawu ve. Mpe batanu yankaka bakaka mafuta na mwinda ya bawu. Ntangu yayi, kana beno ke tala, ya kele kizizi ya kitoko, samu na bawu nyonso zole ba-Juif mpe Bantu ya makanda, mutindu bantu ba me losa. Beno bumba yawu na yintu, ya kele na bakalasi tatu ya bantu ntangu nyonso: ba-Juif, Bantu ya makanda (bantu ya misiku), . . . ; ba-Juif, Bantu ya makanda, mpe Dibuundu. Kana beno vukisa yawu, kieleka beno ke kuzwa dyambu ntangu beno ke kuma na Apocalypse. Samu ti kana beno ve . . .

³⁷ Mutindu Tata Bohanon tubaka na munu kilumbu mosi, yandi tubaka, “Billy, muntu nyonso yina ke meka na kutanga Apocalypse ke kuzwa bandosi ya yimbi. Samu na yinki,” yandi tubaka, “tala Kento ya makwela awa na zulu ya ntoto, mpe—mpe dalango ke na kulosaka maza na yinwa ya yandi samu na kusala mvita na kento.” Mpe yandi tubaka, “Kuna na ntangu mosi yina Kento ya makwela kele ya kutelama mutindu bankama makumi yiya na yiya ya mafunda” (malongi ya ba-Témoin de Jéhovah) “na zulu ya Mongo ya Sinai. Mpe na ntangu mosi Kento ya dikwela na Mazulu.” Ve, ve, beno kele na foti.

³⁸ Ya kele na bakalasi tatu ya bantu. Beno me mona, ya kele, ba-Juif yina ba me losa, mpe ya kele na mwense ya kulala yina bamaza . . . Ya kele ve Nkuna ya kento, ya kele bayina bikanaka ya Nkuna ya kento ti dalango losaka maza na yinwa ya yandi . . . Apocalypse 11. Mpe na yina, kieleka, bankama makumi yiya na yiya ya mafunda ya ba-Juif vwandaka kieleka ve Kento ya makwela, ba kele bayina bikanaka ya dibuundu ya ba-Juif. Mpe malongi ya ba-Témoin de Jéhovah ke tulaka bawu mutindu Kento ya dikwela, Mu ke mona ve mutindu beno lenda sala yawu, samu ti, ya kele ve Kento ya makwela.

³⁹ Kana beno tala kuna na Apocalypse, Ya ke tuba, “Mpe bawu kele bamwense.” Mpe bawu kele bakalata. Mpe yinki vwandaka kalata? Bawu vwandaka . . . Bakalata vwandaka mikengi ya tempelo yina vwanda kebaka na ntinu ya kento, samu ti bawu vwandaka . . . ku . . . Ba vwandaka babakala yina ba kumisaka vwanda buta ve. Bawu vwandaka . . . Beno talaka, ya kele ya kutuba, “Bawu sumukaka ve na bakento”? Bawu vwandaka bakalata ya tempelo. Mpe ya vwandaka lutangu ya kusola yina Nzambi basisaka na nsodolo ya ba-Juif. Ntangu yayi, kana beto ke tala . . . Kana beto lenda baka kaka yawu kaka mwa ntangu fyoti, kuna ya ke sala mutindu kusukisa dyambu na dibanza ya beno, kisika beno lenda kieleka . . .

40 Beto baka Apocalypse, kapu ya 7, mpe beto ke tala awa ntangu yayi, kisika...yina Yawu kutubaka. Ya kele kima ya kitoko:

Mpe na manima ya...yayi mu monaka bawanzio yiya ya kutelama na bansongi yiya ya ntoto,... (ntangu yayi, yayi ke fwanakana na Ezéchiel 9, kisika yandi monaka mwangusulu ya ba-Juif. Mpe awa yandi ke mona bamwangusulu ya Bantu ya makanda, Apocalypse, kapu ya 7) . . .Mpe mu monaka bawanzio yiya ya kutelama na bansongi yiya ya ntoto, vwandaka kanga mipepe yiya (mipepe zola kutuba “mvita mpe kunwana”) . . .ti mupepe zolaka fula ve na zulu ya ntoto, to na mubu, . . .to na yinti nyonso. (mpe ya kele mvita ba vwandaka “kanga”)

41 Oh, kana beto vwandaka na ntangu ya kukota na bitini-bitini na kyuvu yayi. Ya salamaka...Ya kele kisika Russell kotaka na poto-poto. Russell pesaka profesu, na kumonaka yayi kukwiza. Yandi pesaka profesu “ya ke vwanda nkwezulu ya Mfumu Yesu,” na kuzabaka ve ti ya vwandaka kutula kinyemo na Dibundu. Beno me mona?

42 Mpe bawu kukiyufulaka wapi mutindu mvita ya yinza... Mvita ya Ntete ya Yinza. Beno tala, ya sukaka na Ngonda ya kumi na mosi, na ngunga ya kumi na mosi ya kilumbu; na ngonda ya kumi na mosi, na kilumbu ya kumi na mosi, mpe na ngunga ya kumi na mosi. Mpe mbala mosi na manima ya yawu, mbotika na maza na Nkumbu ya Yesu kumonisamaka mpe Mbotika ya Mpeve-Santu na Dibundu. Kieleka, mbala mosi na manima ya yawu.

43 Kana beno baka yawu na Apocalypse, mutindu beto vukisaka Yawu kintwadi, mpe na kati-kati ya Nsungi ya Philadelphie mpe ya Laodika. Mpe ba-Méthodiste kuzwaka Nsungi ya Philadelphie, zola ya bampangi na bampangi. Mpe nsungi ya nsuka, nsungi ya dibundu, vwandaka Nsungi ya Laodika, yina vwandaka nsungi ya tiya ve madidi ve. Mpe Yandi me tuba na kati kuna, “Mu me tula kielo (kielo ya kufunguka) na ntwa ya nge.” Kielo ya kufunguka! Mpe kana beno ke vutuka na kutala Masonuku yango, ya ke vukisa kaka Nsangu ya muvimba na kisika mosi kuna, samu na kulakisa beno kieleka.

44 Beno tala mbote! Awa yina nyonso vwandaka Tata, Mwana, Mpeve-Santu, na mbotika, (beto ke kota na yawu na mbala mosi) yina vwandaka kieleka credo ya Katolika mpe ata mbala mosi ve malongi ya Buklisto. Ve, tata. Mu kaka...Beto kele kaka na yawu awa, na nkokila yayi, samu na kukota na yawu; na lexique, mpe. Beno me mona? Yinga, tata, mpe na disolo mpe. Ata mbala mosi ve ti muntu me botamaka mutindu yina na kati ya Biblia, to ve samu na bamvula bankama sambanu ya ntete na manima ya Biblia. Mpe mu lenda monisa yawu kaka awa na malongi

kaka ya Katolika, ti ba kele bayina bandaka yawu, mpe mwa kumwangisa maza mpe mwa kulosa maza.

45 Yawu me basika kuna me kota na dibuundu ya Wesley, mpe na dibuundu ya ba-Méthodiste, ba-Méthodiste me nata yawu na ba-Baptiste, ba-Baptiste me nata yawu nzila nyonso, mpe ya kele dyaka malongi ya luvunu! Mpe mu lenda vutuka na Biblia mpe kumonisa na beno ti Biblia ke tuba ti “nge ke salaka nkumbu mosi kuzinga, kasi nge kele ya kufwa.” Ya kele kaka kieleka. Mpe bawu vwandaka . . .

46 Mu lenda monisa ti Biblia tubaka ti bawu ke sadila Nkumbu ya Yandi na mbotika tii nsungi ya mpimpa, landila nsungi ya yiya . . . ya nsungi ya dibuundu, Nsungi ya Dibuundu ya Pergame. Mpe Yandi tubaka, na, kati ya bankama kumi na tanu ya bamvula ya bansungi ya mpimpa, na muntu nyonso, ba tubaka, “Nge kele na nsemo ya fyoti me bikana, samu ti nge me manga Nkumbu ya Munu ve.”

47 Ntangu ya kumaka na nsungi yango yankaka kuna, nsungi ya Katolika, Yandi tubaka, “Nge ke salaka nkumbu mosi ‘kuzinga,’ kasi nge kele ya kufwa! Mpe nge me manga Nkumbu ya Munu.” Beno bawu yayi. Beno me mona? Yawu ke vukana nyonso kizizi mosi ya nene ya kitoko kintwadi, Biblia ya muvimba.

48 Ntangu yayi beno tala yayi:

. . . kanga mipepe yiya ya ntoto . . .

Mpe mu monaka wanzio yankaka kukulumuka na Mazulu, na kuvwandaka na kidimbu ya Nzambi ya moyo: . . . (Kidimbu)

49 Ntangu yayi, yinki kele kidimbu ya Nzambi ya moyo? Ntangu yayi, beno bankundi ya ba-Adventiste beno ke tuba, “beno zitisa kilumbu ya saba.” Mu zola beno kulakisa munu yawu na Masonuku. Ya kele kuna ve. Ata kisika mosi ve ti ya . . . kele—kele ya kutula kidimbu . . .

50 Kana beno tanga Éphésiens 4:30, kaka na nswalu, beno ke tala yina Kidimbu ya Nzambi ya moyo kele. Éphésiens 4:30 ke tuba, “Beni nyongisa ve Mpeve-Santu ya Nzambi na yina na beno kutulamaka kidimbu tii kilumbu ya beno ya mpulusu.” Ve tii réveil yina ke landa, kasi beno kele na lukengolo ya Kukonda nsuka (uh-huh). “Beni nyongisa ve Mpeve-Santu ya Nzambi na yina na ba me tula beno kidimbu tii kilumbu ya beno ya mpulusu.” Beni mona kana Éphésiens 4:30 ke tuba yawu ve, na manima beno baka banoti na lweka mpe beno tala yawu nyonso bayankaka nzila nyonso ya Masonuku kuna, mpe beno tala. Ntangu yayi, “Ba me tula beno kidimbu tii kilumbu ya beno ya mpulusu. Yandi vwandaka na kidimbu ya Nzambi ya moyo.”

51 Ntangu yayi, beno bambuka moyo, Mpeve-Santu vwandaka ve ya kulonga mutindu Mbotika ya Mpeve-Santu tii manima ya

Mvita ya Yinza ya I. Beto me kembisa kaka jubilé ya beto—ya beto, bamvula makumi yiya, to makumi yiya ya mvula ya jubilé.

. . . mpe yandi bokaka na ndinga ya ngolo na bawanzio yiya, na bayina ya pesamaka na kutalisa ntoto mpasi to mubu,

Na kutubaka, Beno talisa ve ntoto mpasi, to dyaka mubu, to yinti mosi, tii beto ke tula kidimbu na bisadi. . . (ntangu yayi beto ke na kukulumukaka na kyuvu ya beno, “bana,” beno me mona). . . *bisadi ya Nzambi ya beto na mbunzu ya bawu.* (beno talisa mpasi ve, beno bebisa ve ntoto, beno bika ve bombe atomique kupasuka, beno bebisa ve nyonso tii *bisadi* ya Nzambi ya beto me tulama kidimbu)

⁵² Ntangu yayi, kana beto lenda vutula yawu kuna mpe kuvutuka na manima kuna, mutindu ti—ti mpe na *Kubwa ya Mvita ya Yinza*, na volume ya zole, ntangu Général Allenby nwanaka tii yandi kumaka na bandilu ya Jérusalem, mpe yandi fidisaka kaka télégramme na Ntinu ya Angleterre, mpe tubaka, “Mu zola ve kutula tiya na mbanza, samu na busantu ya yawu.” Yandi tubaka, “Yinki mu fwana sala?”

⁵³ Yandi tubaka, “Sambila.”

⁵⁴ Mpe yandi lutaka dyaka na zulu ya yawu, mpe na yina bawu salaka, bawu tubaka, “Allenby ke na kwiza.” Mpe ya vwandaka na bantu ya Mahomet na kati kuna, bawu banzaka ti yandi tubaka, “Allah ke na kwiza.” Mpe bawu telemisaka dalapo ya mpembe mpe kupesamaka mpe Allenby kotaka na Jérusalem mpe bakaka yawu kukondwa kukubula, landila baprofesi, ya kele kieleka, mpe vutulaka yawu na ba-Juif.

⁵⁵ Na manima ba telemisaka Hitler samu na kukwamisa ba-Juif, mpe bisika nyonso na yinza, mpe vutulaka bawu na kati kuna.

⁵⁶ Mpe Biblia ke tuba ti Yandi zolaka “vutula bawu na zulu ya mapapu ya ngononi.” Mpe na yina bawu bandaka na kuvutuka. . . *Life Magazine* mpe bayankaka me zonzila yawu basabala fyoti me luta, kisika ba vutulaka bawu mafunda, na Jérusalem, mpe bawu vwandaka nata biboba yango na mikongo ya bawu. Ba yufulaka bawu. Mu kele na yawu nyonso na bobine mpe na kizizi. Mpe yandi tubaka. . . Kuna vwanda pepa bambwetete yiya ya dalapo ya David, ya vwanda pepa kuna; dalapo ya kulutila ntama na yinza, mbala ya ntete ya kusala yawu kupepa katuka bamvula mafunda zole.

⁵⁷ Yesu tubaka, “Ntangu yinti ya fike ke basisa makasa ya yawu, nsungi yayi ke luta ve.”

⁵⁸ Mpe awa bawu vwandaka nata biboba ya bawu, mpe ba vwandaka tuba na bawu, “Yinki? Beno ke na vutukaka na yinsi samu na kufwa?”

- 59 Bawu tubaka, “Ve, beto me kwiza samu na kumona Mesiya.”
- 60 Mpe, mpangi, mu tuba na beno, beto kele na mwelo! Kuna kele bisadi, bayina ke na kuvingilaka kuna. Ve kongya ya ba-Juif yina ke yiba beno dinu ya beno ya luvunu kana bawu lenda, ya kele ve Juif yina Yandi ke na kuzonzilaka. Kasi ya kele bayina kuna bayina zitisaka misiku mpe nyonso, mpe zabaka ata mbala mosi ve ti ya vwandaka na Mesiya.
- 61 Mpe Mpangi ya bakala . . . na Stockholm, Mpangi ya bakala Petrus, fidisaka bawu kuna mafuku ya Bangwisani ya Malu-malu, mpe na yina bawu kuzwaka yawu bawu vwandaka tanga yawu. Bawu tubaka, “Mbote, kana yayi kele Mesiya, ti beto mona yandi kusala kidimbu ya profete, mpe beto ke kwikila yandi.”
- 62 Wapi kisika ya kulunga samu na kusalu ya munu! Mu vwandaka bangunga zole na bankotolo ya Jérusalem, samu na kukota kuna, mpe mu vwandaka na Caire, na Égypte. Mpe mu vwandaka tambula kuna, mpe Mpeve-Santu me tuba, “Kukwenda ve ntangu yayi.”
- 63 Mu banzaka, “Mu vwandaka banza kaka. Biyé ya munu me sumbama yimeni, mu kele na nzila ya munu. Muntu ke na kuvingila kuna samu na kukutana munu, nkonga nyonso, balukolo mpe nyonso yankaka.”
- 64 Mu me tambula fyoti ntama, mpe Mpeve me tuba, “Kukwenda ve! Nge kwenda ve.”
- 65 Mu me vutuka na kisadi-biyé, mu me tuba, “Mu ke katula biyé yayi. Mu zola kukwenda na Athènes, na Grèce, na Mars Hill.
- 66 Mpe yandi tubaka, “Mbote, biyé ya beno ke tuba Jérusalem, tata.”
- 67 Mu tubaka, “Mu zola kukwenda na Athènes na kisika ya kukwenda na Jérusalem.” Mpeve-Santu ke na kuvingila, ti ngunga me kwiza ntete ve. Ya kele kaka ve ya kulunga.
- 68 Beno tala mbote:

. . . tula kidimbu na bisadi ya Nzambi ya beto na mbunzu ya bawu,

Na kutubaka, Beno talisa ve ntoto mpasi, . . . tii beto. . . tula kidimbu na bisadi ya Nzambi ya beto na mbunzu ya bawu. (muntu nyonso zaba ti ya kele Kidimbu ya mpeve-Santu; beno tala mbote)

Mpe mu kuwaka lutangu ya bayina ti ba tulaka kidimbu: . . . (ntangu yayi, kana bawu kele ve ba-Juif, beno tala mbote yayi) . . . mpe kuna vwandaka ya kutula kidimbu nkama mosi makumi yiya na yiya ya funda nyonso ya makanda ya bana ya Israël. (ata Muntu mosi ya makanda na kati ya bawu. Ya kele na nsuka ya ntangu)

⁶⁹ Beno tala mbote! Dikanda ya Juda, funda kumi na zole; dikanda ya Ruben, funda kumi na zole; mpe kulandila mutindu yina, Gad, funda kumi na zole; Nephthali, mpe—mpe—mpe nzila nyonso tii Aser, mpe—mpe Zabulon, mpe makanda kumi zole nyonso yayi ya Israël. Mpe bambala kumi na zole na kumi na zole kele yinki? Nkama makumi yiya na yiya ya funda. Beno tala bankama makumi yiya na yiya ya funda, ya ba-Juif! Ve Bantu ya makanda, ba-Juif! Ya kele ve kima ya kusala na Kento ya dikwela. Na yawu Bambangi ya Yehowa kele na foti na zulu ya malongi ya bawu. Biblia me tuba pwelele ti bawu kele “ba-Juif,” mpe ve Bantu ya makanda. Bawu kele bisadi ya Nzambi, mpe Bantu ya makanda ata mbala mosi ve ba me talanaka mutindu bisadi. Beto kele bana ya babakala mpe bana ya bakento, bisadi ve.

⁷⁰ Ntangu yayi beno tanga yina me bikana ya Yawu. Mutindu muntu yina vwandaka kudya pastèque, yandi tubaka, “Ya kele mbote, kasi beto kudya mwa mingi ya yawu.” Mbote mingi, Nzambi kele na Yawu mingi awa. Ntangu yayi, beno tala kaka. Ntangu yayi, awa beto kele na nzila ya 8:

Mpe na dikanda ya Zabulon... tula kidimbu funda kumi na zole. Nyonso ya dikanda ya Joseph vwandaka ya kutula kidimbu funda kumi na zole. Na dikanda ya Benjamin vwandaka ya kutula kidimbu funda kumi na zole.

⁷¹ Beno me mona, Jean, na kuvwandaka Juif, bakulaka mosi na mosi ya bawu, yandi monaka makanda kumi na zole ya Israël; funda kumi na zole na konso dikanda, bambala kumi na zole na kumi na zole kele nkama makumi yiya na yiya ya funda. Beno tala bawu yayi, Dibundu ve, ba-Juif. Biblia ke tuba awa, bawu nyonso vwandaka “bana ya Israël,” konso dikanda vwandaka ya kubokila.

⁷² Ntangu yayi beno tala mbote, nzila ya 9:

Na manima ya yayi (ntangu yayi tala Kento ya dikwela)...

Mpe na manima ya yayi mu monaka, ... tala, nkonga ya nene ya bantu, yina muntu ve lendaka tanga, ...

⁷³ Beno tala bakalaka ya beno ya tempelo, bawu kele kaka nkama makumi yiya na yiya ya funda, kaka nkonga mosi ya fyoti, kaka mikengi fyoti ya tempelo yina ke vwanda na Kento ya makwela; kaka ya Yandi—kaka ya Yandi escorte. Beno tala nkama makumi yiya na yiya ya funda, ya kele escorte ya Kento ya makwela; bakalaka ya tempelo.

⁷⁴ Beno tala mbote! Kieleka, mu zaba beno ke vutuka awa na ya 14, mpe ke tuba, “Kasi, bawu kele na Kento ya makwela kisika nyonso bawu...” Kieleka! Bakalaka ke zyetaka na kento ya ntinu bisika nyonso yandi ke kwendaka. Kieleka! Kasi yinki

bawu vwandaka? Bawu vwandaka kima ve kasi ba-escorte, mpe ya kele kieleka kaka yina Masonuku ke tuba yawu kele awa.

⁷⁵ Beno tala:

Mpe na manima ya yayi . . . mpe, tala, nkonga ya nene ya bantu, yina muntu ve lendaka tanga, ya bayinsi nyonso, . . . makanda nyonso, . . . bantu nyonso, mpe ya ndinga nyonso, . . . (beno tala Bantu ya beno ya makanda kutalana, mbote mingi) . . . bayayi telamaka . . . ntwala ya Mwana-dimeme, (beno tala Mvulusi, Mwana-dimeme, musiku ve; Mwana-dimeme, Lemvo) . . . ya kulwata ba-robe ya mpembe, . . . (beno tala mbote, na baminuti fyoti, beno tala kana ba-robe ya mpembe kele ve ludedomo ya basantu) . . . mpe mandala na diboko ya bawu;

Mpe bawu lookaka na ndingaya ngolo, . . . (kana yayi kele ve réveil ya Pantekote, mu me kuwaka ntete ve mosi) . . . kutubaka, Mpulusu na Nzambi ya beto yina me vwanda na zulu ya kiti ya mfumu, mpe na Mwana-dimeme.

Mpe bawanzio nyonso telamaka na kuzunga kiti ya kimfumu, mpe bakuluntu mpe bima yiya ya moyo, . . . kubwaka na zulu ya . . . na ntwala ya kiti ya kimfumu na bizizi ya bawu, mpe sambilaka Nzambi,

Na kutubaka, Amen: Lusakumunu, . . . nkembo, . . . ndwenga, . . . matondo, . . . buzitu, . . . ngolo, mpe ngolo, kuvwanda na Nzambi ya beto samu na kukondwa nsuka mpe kukondwa nsuka. Amen.

⁷⁶ Ya ke wakana mutindu na ntangu ya lukutakanu na camp, mutindu yina ve? Ya ke kwiza! Nani ya vwandaka? Nkama makumi yiya na yiya ya funda? Ata fyoti ve! Lutangu ya nene yayi yina muntu ve . . . ya makanda nyonso, ya bandinga nyonso, mpe ya bayinsi nyonso. Beno lenda mona ve, nkundi ya munu ya luzolo?

⁷⁷ Ntangu yayi beno tala mbote, beno tanga kaka Yawu. Ntangu yayi:

Mpe mosi ya bakuluntu vutulaka, na kutubaka na munu, Banani kele bayayi mpe . . . yina kele ya kulwata ba-robe ya mpembe? Mpe wapi kisika bawu me katuka?

⁷⁸ Kuluntu tubaka na Jean, yina vwandaka Juif yina bakulaka bankama makumi yiya na yiya ya funda, yandi tubaka, “Ntangu yayi, nge zabaka bawu, bawu kele bawu nyonso ba-Juif. Kasi bayayi nani bawu kele? Wapi kisika bawu me katuka?” Beno me mona yina kuluntu tubaka? “Mosi ya bakuluntu vutulaka,” (ya kele bakuluntu na ntwala ya Kiti ya kimfumu) “pesaka munu mvutu, na kutubaka, ‘Banani bayayi kele yina kele ya kulwata ba-robe ya mpembe? Mpe wapi kisika bawu me katuka? Ntangu

yayi, beto nyonso zaba ba-Juif mpe ngwisani ya bawu mpe nyonso yankaka, kasi na wapi ntangu bayayi kwizaka?” Ntangu yayi beno tala mbote:

Mpe mu tubaka na yandi, Tata, nge zaba. (“Mu—mu—mu zaba ve,” Jean tubaka, “ya me lutila kaka munu. Mu zaba ve.”) *Mpe yandi tubaka na munu, Bayayi kele bawu yina me katuka na balukwamusu ya nene,* (“Na nzila ya bakumeka mpe baboma yayi mingi, bampasi mpe mitambu, mu me lutila yimeni.” Beno me mona?) . . . bayayi me basika na bampasi yayi ya nene, *mpe me sukula ba-robe ya bawu,* . . . (na dibuundu? Ya ke wakana mbote?) . . . *me sukula ba-robe ya bawu, mpe me kumisa yawu mpembe na menga ya Mwana - dimeme.*

. . . *bawu kele na ntuala ya kiti ya kimfumu ya Nzambi, mpe ke sadila yandi kilumbu mpe mpimpa . . .* (nani ke sadilaka munu na yinzo ya munu? Kento ya munu. Ya kele kieleka?) . . . *mpe na tempelo ya Yandi: . . .* (yandi kele yina ke vwandaka na munu na yinzo ya munu mpe na ekonomí ya munu, ya kele kento ya munu. Yandi kele yandi yina ke vwandaka na munu, mpe ke sukulaka bilele ya munu, mpe ke kubikaka bima samu na munu) . . . *mpe yandi yina kele ya kuvwanda na zulu ya kiti ya kimfumu ke zinga na kati-kati ya bawu.* (Oh, la la, beno kuwa!)

Mpe bawu ke vwanda dyaka ve na nsatu ya kudya, . . . (ya ke talana mutindu ti bawu me kondwa fyoti kudya na kukwizaka na nzila) . . . *to dyaka bawu ke ya kunwa dyaka maza; to dyaka nsemo ke lezima na zulu bawu dyaka ve, to tiya mosi.*

Samu ti Mwana - dimeme yina kele na kati-kati ya kiti ya kimfumu ke dikisa bawu, mpe ke twadisa bawu na bayinto ya maza ya moyo: mpe Nzambi ke kusuna . . . *masa ya meso nyonso na disu ya bawu.* (Yandi yayi, beno tala Kento ya beno ya makwela)

⁷⁹ Beno tala bankama makumi yiya na yiya ya fundu ya beno, beno tala bisadi ya beno. Na yawu “bana ya Kimfumu” awa, na muntu ya luzolo yina me pesa kyuvu yayi, ya kele. . . nge yina me pesa kyuvu ya kuyindusa yayi. Mu banza ti mu me bika yawu awa na . . . kisika, kasi “ntangu ba ke katula bawu,” ya zola kutuba ve ti ba ke katula bawu na dibanza ya Nzambi. Bawu kele ya kukatula na bandandu ya mbote ya kimpeve samu na ntangu mosi. Beno me mona, kaka samu na ntangu mosi ya fyoti.

⁸⁰ Samu ti, ntangu profete monaka Israël na kilumbu yayi yina yandi zolaka kuma, yandi tubaka, “Mbote, Israël ke vwanda ntangu ba ke katula Saba, mpe—mpe bawu ke tekisa na Saba mutindu mosi na kilumbu yankaka, mpe bima nyonso yayi?”

Yandi tubaka, “Mbote, Nge ke—Nge ke kwandi . . . Ba ke zimbana Israël muvimba?”

⁸¹ Yandi tubaka, “Na wapi yinda ya kele mazulu? Wapi mutindu kati mingi kele ntoto? Baka yawu na yinti yina kele na ntwala ya nge.”

Yandi tubaka, “Mu lenda ve!”

⁸² Yandi tubaka, “To dyaka Mu lenda zimbana Israël.” Kieleka ve! Ba ke zimbana ata mbala mosi ve Israël.

⁸³ Na yawu, beno me mona, *kukondwa nsuka* mpe ya *Seko* kele bima zole ya kuswaswana. Ba katulaka Israël, kasi na ngaanda ya dibanza ya Nzambi ve. Mpe Paul ke zonza yawu awa, kana mu vwandaka na . . . vwandaka na ntangu ya kulongoka yawu, na yawu mu zolaka na nswalu kubaka Masonuku yina . . . Mu zolaka tala yawu samu na beno, beno me mona, ya me kwiza na dibanza ya munu.

⁸⁴ Paul ke na kutuba kuna, yandi ke tuba ti samu na beto Bantu ya makanda beto sala keba, mutindu beto ke tambulaka mpe na yina beto ke salaka. Beno me mona? Samu ti kana Nzambi zengaka kintala ya ntete, beno me mona, mpe ba bwelaka kaka beto, beno me mona, . . . Mpe Israël, yina vwandaka mpofo samu na ntangu mosi, yandi tubaka. Kaka samu na ntangu mosi, Israël vwandaka mpofo. Ya kele kieleka, kasi vwale ke katuka na meso ya bawu. Mpe ya kele ntangu Muntu ya nsuka ya makanda ke butuka na Kimfumu ya Nzambi, kuna vwale ya bawu ke katuka na meso ya Israël. Mpe bawu ke tuba, “yayi kele mesiya Yina beto vwandaka sosa kumona.” Ya kele kieleka, kasi mwelo ya Bantu ya makanda kele ya kukangama (nzasa kele—kele ya kukanga), ya kele dyaka ve—dyaka ve na lemvo me bikana samu na Bantu ya makanda na ntangu yina.

⁸⁵ Ntangu yayi, mu me baka ntangu ya kulutila mingi na kyuvu mosi. Mpe muntu mosi ke tuba, “Kasi nge me kuma na ya munu ve.” Mbote, beto ke sala nswalu mpe ke mona kana beto lenda baka yawu.

⁸⁶ Mbote mingi, awa kele na mosi ya yinda. Mpe konso kitini ya yawu yina kento yayi me yufula to bakala yayi me yufula, to muntu nyonso ya kele, ya kele ya kulunga.

53. Ya kele kieleka ti Mfumu Yesu kufwaka ve samu na yinza ya muvimba, mu zola kutuba samu na muntu nyonso na yinza, kasi na kisika . . . (ntangu yayi, mu ke tendula yawu, kasi kento . . . bakala to kento, muntu nyonso yina ya kele . . . Ya kele mutindu bisono ya kento) . . . kasi na kisika samu na bayayi—na kisika samu na bayayi na konso bitini ya yinza, na yina Tata pesaka Yandi? Bayayi yina ntete mbandukulu ya yinza, Nzambi kubikaka samu na Luzingu ya Kukonda nsuka, na kusolaka bawu landila luzolo ya Yandi Mosi ya mbote?

⁸⁷ Kieleka, ya kele kieleka! Ya kele kaka kieleka. Yesu salaka samu . . . kaka ve na . . . Yandi kele na lukanu.

⁸⁸ Beto mona, mu banza ti . . . mu—mu banza ti bawu tangaka . . . kyuvu mosi kele na zulu ya yayi:

54. Masonuku kukondwa ntembe ke tuba na beto ti bayayi kele bayango yina ke vwanda ve—kele bayango yina ke kuzwa mpulusu ve. Na yawu . . .

⁸⁹ Ya kele kaka kieleka. Masonuku ke tuba na beto ti ya kele na bantu yina Nzambi kanaka ntete na kuvwanda ya kufundisa.

⁹⁰ Beno ke zola kutanga yawu, samu ti ya vwanda ve ntangu nyonso na yintu ya beno? Mbote mingi, beto baka ntangu yayi Buku ya—ya Jude, Jude ke na kuzonzila awa.

Jude, kisadi ya Yesu Klisto, mpe mpangi ya bakala ya Jacques, samu na bawu yina kele ya kusantisama na Nzambi Tata, mpe ya kukeba na Yesu Klisto, mpe ba me bokila:

⁹¹ Beno me mona na nani yandi ke na kutuba Yawu? Na musumuki ve, ve kaka na kisalu ya kumwangisa nsangu, kasi na bayina ba me satisama mpe ba me bokila. Beno me mona, bayina kele yimeni na kati ya Kimfumu.

Kyadi na beno, mpe ngemba, mpe zola, kuvwanda ya kufuluka.

Bayi luzolo, . . . mu me pesa ngolo nyonso samu na kusunika na beno na mpulusu ya beto nyonso, ya vwandaka mfunu na munu na kusunika na beno, mpe na kupesa beno ngolo . . . beno fwana nwana kieleka samu na lukwikilu yina pesamaka mbala mosi na basantu.

Samu ti ya kele na bantu yankaka yina me syelumuka na dinsweki, bayina vwandaka katuka ntama ya kukubika na kitumbu yayi, . . . (wapi mutindu?) . . . na kubalulaka lemvo ya Nzambi ya beto na kutengimisaka, . . .

⁹² Ya kukubika ntama! Ve ti Nzambi me vutuka kuvwanda na kiti ya kimfumu, mpe me tuba, “Mu ke vulusa muntu yayi, Mu ke zimbisa muntu yina.” Ya vwandaka yawu ve! Nzambi kufwaka, mpe na yina Yesu kufwaka, kukatula-masumu ke fuka ntoto ya muvimba samu na muntu nyonso. Kasi Nzambi, na nzila ya luzabu . . . Ve ti Yandi zola . . . Yandi zola ve ti mosi kufwa. Yandi zolaka muntu nyonso kuzwa mpulusu. Yina vwandaka ya Yandi—yina vwandaka ya Yandi lukanu ya Seko. Kasi kana Yandi vwandaka Nzambi, Yandi zabaka nani ke vwanda mpe nani ke kuzwa mpulusu. Kana Yandi zabaka ve, na yina Yandi vwandaka ve Nzambi ya kukondwa nsuka. Na yawu Biblia ke longa yawu. Ti beto lendaka . . .

⁹³ Kana beto vwandaka na ntangu ya kubaka awa na Romain, kapu ya 8, mpe beno zolaka tanga yawu. Romain, kapu ya 9,

bisika mingi yankaka na Biblia. Éphésiens, kapu ya 1te. Mpe beno lenda mona ti nsodolo ya Nzambi, ti ya kele ya kutelama kieleka, Nzambi pesaka ngwisani kukondwa mutindu. Yandi fidisaka Yesu na kufwa samu na bawu yina Yandi zabaka ntete. Beno me mona?

⁹⁴ Ve kaka na kutuba, “Mbote, nge ke tuba ti Nzambi zabaka ve kana ti kento ke kuzwa mpulusu to ve?” Nzambi zabaka ti beno ke kuzwa mpulusu, to kana ti beno ke kuzwa to ve, ntete yinza kubanda, to Yandi vwandaka ve Nzambi.

⁹⁵ Beno zaba yinki mpova *seko* zola kutuba? Beno tala na . . . beno tala na dictionnaire mpe beno tala yinki mpova *seko* zola kutuba. Na yina, Yandi zabaka konso dikasa yina zolaka vwanda na zulu ya ntoto, konso nzinzi, konso kitutu, konso microbe. Yandi zabaka yawu ntete yawu kota na luzingu, to Yandi vwandaka ve Nzambi. Kieleka, Yandi zabaka yawu. Mbote mingi.

⁹⁶ Na yina, na kuna, Nzambi zolaka tuba ve—ve, “Mu ke baka *nge*, mpe ke fidisa *nge* na difelo; mpe Mu ke baka *nge*, mpe ke fidisa *nge* na Mazulu.” Nzambi zolaka beno nyonso zole kukwiza na Mazulu. Kasi na nzila ya luzabu Yandi zabaka ti mosi ke vwanda eskró, mpe mosi yankaka ke vwanda muntu ya mbote mpe Muklisto. Beno me mona? Na yawu Yandi zolaka fidisa Yesu na kufwa, samu na kuvulusa muntu yango yina Yandi zabaka ntete yina zolaka kuzwa mpulusu. Beno me bakula yawu?

Ntangu yayi beno tala awa:

Masonuku kukondwa ntembe ke tuba na beto ti bayayi kele bawu yina ke kuzwa mpulusu ve.

55. Na yawu kana kukatula-masumu fukaka nyonso . . . nyonso ya bantu ya Adam, mpe bayankaka kuzimbanaka samu ti bawu bakaka ndandu ve bawu mosi na nsilulu, to na yina ba kubikaka, ya zola ve . . . ngo- . . . kimpwanza . . . yandi ke zola . . . ke vwanda ve ngolo ya kulutula nene na makani ya Seko mpe balukanu ya Nzambi ya Ngolo nyonso? Ya zola vwanda . . . (Muntu yayi ntangu yayi, na kyuvu ya zole yayi, ke na kuyufulaka.) Kimpwanza ya muntu ke zola vwanda ve ngolo ya kulutula nene na makani mpe lukanu ya Nzambi ya Ngolo nyonso?

⁹⁷ Ve, mpangi ya munu ya bakala to mpangi ya kento. Kieleka ve! Ya kele ve na kima mosi ya kulutula ngolo . . . Luzolo ya muntu lenda ata mbala mosi ve kufwanakana na lukanu ya Seko ya lufundusu ya Nzambi. Ya lenda vwanda ve, beno me mona.

⁹⁸ Ntangu yayi, kyuvu ya beno ya ntete vwandaka ya kulunga. Kyuvu ya beno ya zole lenda vwanda ve, nkundi. Samu ti beno tala, beno tala mutindu ya kele ya kusonama awa, beno me mona: “Kimpwanza ya muntu ke zola vwanda ve ngolo ya kulutula nene na makani mpe lukanu ya Nzambi ya Ngolo nyonso?” Na

yina, kieleka ve. Wapi mutindu luzolo ya muntu lendaka vwanda ngolo ya kulutila nene na lukanu ya Nzambi ya Ngolo nyonso? Mpe muntu na mutindu ya yandi ya nsuni na luzolo na yina yandi zola, zolaka vwanda ya kulutila ngolo na yina ya Seko, ya Nzambi ya kulunga? Kieleka ve! Ya lendaka vwanda ve, beno me mona. Nzambi ya Seko, Yina dikani kele ya kulunga, wapi mutindu beno lenda tuba ti muntu ya nsuni na yisi awa, ata mutindu ya kudedama (mpe yandi lenda vwanda), balukanu ya yandi ke vwanda ata ndwenga ve kufwanakana na yayi: lukanu ya Seko mpe ya Nzambi ya Ngolo nyonso.

⁹⁹ [Mpangi mosi ya kento me zonga na Mpangi Branham—Mu.] Yinga. ["Lemvokila munu. Mu zolaka kaka kuyufula kyuvu, mpe—mpe nge ke na kubakula ve yina mu zola kutuba kuna."] Yinga, mbote mingi, mpangi ya kento. ["Mu ke kwikila ata fyoti ve na yawu, mu zolaka tuba 'lukanu ya Nzambi ya Seko kele na zulu ya kimpwanza ya kusola ya muntu.'"]

¹⁰⁰ Ya kele kieleka. Oh, mbote, mu—mu me tanga yawu yimbi kuna, beno me mona. Mbote mingi. Yinga, na yina beno kele kaka na kieleka, mpangi ya kento. Mu zabaka ve ti ya vwandaka kyuvu ya nge—ya nge. Mbote mingi. Kasi, beno me mona, kisika mu me kuzwa yawu awa, beno me mona, . . . Ntangu yayi bika mu mona, "Ke fika dikanda nyonso ya Adam, mpe bayankaka zimbanaka samu ti bawu bakaka ndandu ve bawu mosi—bawu mosi na yina ba kubikaka ya yawu, kimpwanza ya muntu ke zola vwanda ve ngolo ya kulutila nene na makani ya Seko mpe lukanu ya Nzambi ya Ngolo mingi?" Beno me mona, mu—mu me tendula yimbi dibanza ya beno kuna. Yinga, lukanu ya Seko ya Nzambi ya Ngolo nyonso. Mbote, yina me sukisa dyambu.

¹⁰¹ Mu banza ti muntu nyonso ke na kubakula yawu. Kana kieleka, beno telemisa maboko ya beno. Ya—ya kele lukanu ya Seko ya Nzambi ya Ngolo nyonso, yina kele kieleka ntama na zulu—ntama na zulu na yina muntu lenda sala.

Ntangu yayi:

56. Mu ke na kubakula ve nsemo na zulu ya mbotika na maza, na kapu 28 ya . . . na nzila ya 19, ya Matthieu. Yinki ya zola kutuba?

¹⁰² Mbote, ntangu yayi, mu bamza ti ya ke baka kaka munu minuti. Mpe ti muntu baka na munu kana beno zola, na Matthieu, kapu ya 28, mpe na nzila ya 19. Mpe beto ke tala, kaka yinki muntu ke . . . makumi zole na tanu. . . Ntangu yayi, Yayi ke pesa beno ngolo kana beno ke vwanda kaka na Yawu. Yawu kele—Yawu kele mbote, beno me mona. Ya kele ve kumwangisa nsangu, kasi Yawu kele . . .

¹⁰³ Ntangu yayi beto kele . . . Awa beno tala kisika bantu ke mekaka na kutuba, "Ya kele na luswaswanu na kati ya Biblia." Ntangu yayi, mu zola muntu mosi kubaka na . . . na Matthieu 28:19. To, ve mu zola muntu mosi . . . Matthieu 28:19. Mu zola

muntu kubaka Actes 2:38. Nge ke na Biblia ya nge kuna, Mpangi Neville?

¹⁰⁴ Mpe mu zola beno kutanga samu na beno mosi ntangu yayi. “Mpe mu ke lakisa beno luswaswanu ya mbala mosi na kati ya Biblia. Mpe yina Biblia. . . Bantu ke tubaka ‘Biblia ke swaswanaka ve na Yawu mosi,’ mu zola beno kubaka yayi na mfunu.”

¹⁰⁵ Mpe yayi ke salaka milongisi kukuma na bansuki mpembe. Kasi Yawu—Yawu kele mpasi ve. Ntangu yayi mu ke tanga Matthieu 28:19, beno landa munu. Mpe bayankaka ya beno na Actes 2:38, beno kubika yawu. Mu ke banda na nzila ya 18, yayi kele kusukisa ya kapu ya Matthieu:

Mpe Yesu kwizaka mpe zonzaka na ya yandi bilan- . . . zonzaka na bawu, na kutubaka, Ngolo nyonso me pesama na munu na mazulu mpe na ntoto. (Wapi kisika kele ngolo ya Tata?)

¹⁰⁶ Kana ngolo nyonso na Mazulu mpe na ntoto ba pesaka na Yesu, na yina Nzambi kele dyaka ve na ngolo mutindu yina ve? To Yandi tubaka kaka disolo? Yandi vwandaka sakana? Yandi zolaka kutuba Yina! Beno ke kwikila ve Yandi zolaka kutuba Yawu? Mbote, kana ngolo nyonso ba me pesa na Yandi, na yina wapi kisika kele ngolo ya Nzambi? Yandi vwandaka Nzambi! Ya kele kieleka. Ya kele kima kaka yina kele na yawu. Ya kele kaka nyonso yina ya vwandaka. Beno me mona, Yandi vwandaka Nzambi; to dyaka ya kele na muntu ya kuvwanda kuna, yina vwandaka na ngolo mosi, yina kele dyaka ve na yawu. Beno me mona? Na yawu beno lenda ve—beno lenda ve kukota na potopoto na Yawu. Beto ke kota kaka na yawu na mutindu mosi ya kima yayi awa. Mbote mingi:

. . . Ngolo nyonso na mazulu mpe na ntoto kele. . . na mazulu mpe na ntoto.

Na yawu beno kwenda, . . . kulonga bayinsi nyonso, na kubotikaka bawu na nkumbu ya Tata, mpe ya Mwana, mpe ya Mpeve-Santu:

Na kulongaka bawu na kutumama na bima nyonso yina mu tumisaka beno: . . . beno tala, mu kele na beno ntangu nyonso, tii na nsuka ya yinza.

¹⁰⁷ Actes 2:38, ntangu yayi ti muntu mosi tanga. Beno vingila kaka minuti. Actes, kapu ya 2, nzila ya 38. Mbote, beno kuwa kieleka mbote ntangu yayi, mpe beno kanga kaka ntima, mpe beto ke mona ntangu yayi. Ntangu yayi, yayi kele bilumbu kumi na ntwala na manima Yesu tubaka na bawu kuna, Matthieu 28:19, “Na yawu beno kwenda, kulonga bayinsi nyonso, na kubotikaka bawu na nkumbu ya Tata, ya Mwana, mpe ya Mpeve-Santu.”

108 Na yina, Pierre, bilumbu kumi na ntwala. . . Bawu longaka ata mbala mosi ve dilongi yankaka. Bawu mataka na kivinga ya zulu ya Jérusalem, mpe vwanda vingila kuna (bilumbu kumi) samu na Mpeve-Santu na kwiza. Bantu yikwa zaba yawu? Na kisika yayi. Beno tala Pierre, Pierre keke na bafungula ya Kimfumu. Mbote mingi, beto ke mona yina yandi salaka. Matthieu, to mu zola kutuba Actes 2, beto baka nzila ya 36:

Na yawu ti yinzo nyonso ya Israël kuzaba na kieleka, ti Nzambi me kumisa Yesu mosi yayi, yandi yina beno. . . komaka na kulunsi, nyonso zole Mfumu mpe Klisto.

“Nyonso zole Mfumu mpe Klisto.” Kukondwa ntembe, ngolo nyonso na mazulu mpe na ntoto ba pesaka na Yandi.

Na yina ntangu bawu kuwaka yayi, bawu yitukaka na ntima ya bawu, mpe tubaka na Pierre mpe. . . bantumwa yankaka, mpangi, yinki beto fwana sala?

Pierre pesaka mvutu. . . *Pierre tubaka na bawu, Beno balula ntima, mosi na mosi ya beno, mpe beno botama na nkumbu ya Yesu Klisto samu na lemvo ya masumu, mpe beno ke kuzwa dikabu ya Mpeve-Santu.*

109 Ntangu yayi, ya keke na kuswaswana, Matthieu ke tuba, “Beno botama na Nkumbu: Tata, Mwana, Mpeve-Santu,” mpe Pierre ke tuba na Actes 2:38, bilumbu kumi na ntwala, “Beno balula ntima ya beno, mpe beno botama na Nkumbu ya Yesu Klisto.”

110 Na yina mbala yankaka yina ba zonzaka—zonzaka na kubalula ntima to, na mbotika, na kati ya Biblia, ya keke na Actes kapu ya 8, ntangu Philippe kwendaka mpe longaka na. . . na—na ba-Samaritain. Mpe bawu kuzwaka Mpeve-Santu, mpe bawu kubotamaka na Nkumbu ya Yesu Klisto.

111 Mbala yankaka yina ba zonzaka yawu, ya vwandaka ntangu Bantu ya makanda kuzwaka Yawu, Actes 10:49:

Mpe na yina Pierre vwandaka zonza. . . bampova yayi, beno tala, Mpeve-Santu kubwaka na zulu. . . bawu. . . mpe kuwaka bawu.

Samu ti bawu kuwaka bawu kuzonza na bandinga, mpe kembisaka Nzambi. Na yina Pierre tubaka,

Muntu mosi lenda yimina maza, na kumonaka ti bayayi. . . me kuzwa Mpeve-Santu mutindu beto na mbandukulu?

Mpe yandi tumisaka bawu na kubotama na nkumbu ya Mfumu Yesu Klisto.

112 Ntangu yayi bika mu kuzwa kima awa, kulakisa kaka beno mwa kima samu beno zimbana yawu ve; mu ke baka mwa kifwanukusu. Mu ke kwenda tula. . . Lutangu yikwa ya bamba-. . . bayinsi ya bantu ya keke na yinza? Ya keke na tatu:

Cham, Sem, mpe bantu ya Japhet. Bantu yikwa zaba yawu? Beto me basika na bana tatu yango ya Noé. Bantu ya Cham, bantu ya Sem. . . bantu ya Japhet kele ba-Anglo-Saxon, bantu ya Sem kele. . . Bansungi tatu, ya kele: ba-Juif, Bantu ya makanda, mpe ndambu ba-Juif mpe ndambu Bantu ya makanda. Ntangu yayi, beno tala, na yina kuna. . . mpe yayi kele Cham. . . Sem, Cham, mpe Japhet.

¹¹³ Ntangu yayi, mbala ya ntete ba zonzilaka na mbotika, ya vwandaka Jean-Baptiste. Bantu yikwa zaba ti ya kele kieleka? Mbote mingi, mu ke bika *yawu* na zulu awa, na lweka awa, Jean-Baptiste. Mpe Jean botikaka bantu na nzadi ya Jourdain, na kutumaka bawu ti bawu fwana balula ntima mpe kusungama na Nzambi, mpe kutekisa bima ya bawu, mpe kupesa ya kudya na bantu ya mputu mpe basoda na kusepela na mbongo ya bawu, mpe kusungama na Nzambi. Bantu yikwa zaba yawu? Mpe yandi vwandaka botika bawu na nzadi ya Jourdain, na kumwangisaka bawu ve mwa maza, na kulosaka bawu ve mwa maza, kasi vwandaka kotisa bawu na kati ya maza! Kana beno ke kwikila ve Yawu, beno tala lexique, beno tala kana ya kele ve *baptizo*, yina kele “kubotika, kukotisa na kati ya maza, kutula na yisi, kuzika.” Ntangu yayi, mbala ya ntete ba zonzilaka na mbotika, ya vwandaka kuna.

¹¹⁴ Mbala ya ntete ba zonzilaka na mbotika, Yesu tumaka yawu, Matthieu 28:19.

¹¹⁵ Mbala ya zole ba zonzilaka na mbotika, ya vwandaka na Actes 2:38.

¹¹⁶ Mbala yankaka ba zonzilaka na mbotika, ya vwandaka na kapu ya 8 ya Actes.

¹¹⁷ Mbala yankaka ba zonzilaka na mbotika, ya vwandaka na kapu ya 10 ya Actes.

¹¹⁸ Mpe na yina beto ke katuka na mbala kisika Yesu tubaka, awa, “Na yawu beno kwenda, kulonga bayinsi nyonso, na kubotikaka bawu na Nkumbu ya Tata, mpe ya Mwana, ya Mpeve-Santu.”

¹¹⁹ Ntangu yayi beto sungika ntete, Masonuku yayi. Mu vwanda me tuba na beno ti “ya kele ve na Masonuku mosi na Biblia yina ke swaswana na yankaka.” Mu zola beno kunatila munu yawu. Mu me lomba yawu ya me kuma bamvula makumi zole na sambanu, mpe mu me kuzwa ntete ve yawu. Ya kele na ata Masonuku yina ke swaswa- . . . Kana ya swaswakana na Yawu, na yina ya kele dyambu muntu me sonika. Ve, tata, ya kele na ata luswaswanu na Biblia!

¹²⁰ Na yina yayi beno ke tuba, “Wapi mutindu samu na *yawu*?”

¹²¹ Awa kele na Yesu ya kutelama ke na kutubaka, “Na yawu beno kwenda, kulonga bayinsi nyonso, na kubotikaka bawu na Nkumbu ya Tata, Mwana, Mpeve-Santu.”

122 Mpe Pierre na mbala mosi na manima, mpe me tuba, “Beno balula ntima ya beno, mosi na mosi ya beno, mpe beno botama na Nkumbu ya Yesu Klisto.”

123 “Beno tala luswaswanu ya beno.” Ya ke tala mutindu yina. Ntangu yayi, kana beno ke na kutangaka na dibanza ya nsuni, mpe ve na ntima ya kufunguka, ya ke vwanda luswaswanu.

124 Kasi kana beno ke tanga Yawu na dibanza ya kufunguka, “Mpeve-Santu me bumba na meso ya bantu ya ndwenga mpe ya mayela yayi,” Yesu tubaka yawu, mpe tondaka Nzambi samu na yawu, “mpe me monikisa Yawu na bana yina ke zola kulongoka.” Kana beno kele na dibanza, mpe ve dibanza ya munimi, kasi ntima yina zola kulongoka, Mpeve-Santu ke longa beno bima yayi.

125 Na yina kana ya fwanakana ve. . .Beno ke tuba, “Wapi mutindu beno zaba ti beno kele na kieleka?” Mbote, ya ke fwanakana na Masonuku yankaka. Kana ve, beno kele na luswaswanu ya nene awa.

126 Ntangu yayi mu zola kuyufula beno kyuvu yayi. Yayi kele kapu ya nsuka ya Matthieu. Mu ke baka yawu na mutindu ya fyoti, samu ti mosi na mosi ya beno . . .bana ke bakula Yawu.

127 Mutindu, kana beno ke tanga disolo ya zola, mpe manima ya yawu ke tuba, “Mpe Marie mpe Jean zingaka na nsayi na manima.” Mbote, beno ke kukiyufula nani vwandaka Jean mpe Marie bayina zingaka na nsayi na manima. Ntangu yayi, kana beno zola kuzaba nani Jean mpe Marie kele, beno fwana vutuka na mantwala ya buku mpe kutala nani Jean mpe Marie kele. Na manima kuvutuka awa mpe kutala nani Marie vwandaka, mpe na wapi dibuta yandi basikaka; mpe nani Jean vwandaka, mpe na wapi dibuta yandi basikaka, mpe yinki vwandaka nkumbu ya yandi, mpe wapi mutindu bawu kukwelanaka, mpe nyonso yina me tala yawu. Ya kele kieleka?

128 Mbote, ya kele kima mutindu mosi na kutanga Biblia awa. Ntangu. . .Beno tala, Yesu tubaka ata mbala mosi ve, “Beno kwenda botika bantu na nkumbu ya Tata, na nkumbu ya Mwana, na nkumbu ya Mpeve-Santu,” mutindu bantu ya Nzambi-tatu ke botikaka. Ya kele na ata Masonukwu samu na yawu na kati ya Biblia. Ata mbala mosi ve ti Yandi tubaka, “Na bankumbu (b-a-n-k-u-m-b-u), bankumbu” ya Tata, Mwana, mpe Mpeve-Santu.

129 Yandi tubaka, “Na (n-k-u-m-b-u) nkumbu,” na mosi. Beno tala Biblia ya beno kuna mpe beno tala kana ya kele kieleka, Matthieu 28, “Na *Nkumbu*.”

130 Ve “na nkumbu ya Tata, na nkumbu ya Mwana, . . .” ya kele mutindu mulongi ya Nzambi-tatu ke botikaka. “Na nkumbu ya Tata, na nkumbu ya Mwana, mpe na nkumbu ya Mpeve-Santu.” Ya kele kwandi ve na kati ya Biblia.

131 “Na yina na nkumbu. . .” Beno ke tuba, “Mbote, na yina na nkumbu ya “Tata, Mwana, mpe Mpeve-Santu.” Na yina ya kele na Nkumbu mosi kuna.

132 Mbote, *Tata* kele nkumbu? Bantu yikwa zaba ti *Tata* kele ve nkumbu? *Tata* kele ksalu. *Mwana* kele ve nkumbu. Bantu yikwa zaba ti *Mwana* kele ve nkumbu? Batata yikwa kele na kati awa? Beno telemisa diboko ya beno. Bana yikwa kele na kati awa? Beno telemisa maboko. Mbote, nani ya beno kele na nkumbu “Mwana”? Nani ya beno kele na nkumbu “Tata”? Mbote mingi, *Mpeve-Santu* kele nkumbu ve, *Mpeve-Santu* kele yina Yawu kele. Bantu yikwa kele na kati awa? beno telemisa diboko ya beno. Beno me mona? Yawu yina, *Mpeve-Santu* kele yina Yawu kele. *Tata, Mwana, mpe Mpeve-Santu*, ata mosi ya bawu kele bankumbu; ya kele na ata nkumbu na yawu.

133 Mbote, na yina, kana Yandi tubaka, “Beno botika na Nkumbu ya Tata, Mwana mpe Mpeve-Santu,” beto ke sala mbote na kuvutuka mpe kutala Nani Tata, Mwana, mpe Mpeve-Santu kele. Na yina beto vutuka na kapu ya Ite ya Matthieu, kumona Nani Muntu yayi vwandaka ti beto fwana botika na wapi Nkumbu. Mpe beto banda awa na Matthieu, na kapu ya Ite, mpe na nzila ya 18. Beno tanga mbote, beno nyonso.

134 Ntangu yayi, nge yina me pesa kyuvu, mu zola kupesa mwa kifwanukusu awa. Mbote mu ke tula bima tatu awa samu ti beno kubakula na mutindu ya mbote, (kusala kifwanukusu) Babiblia yayi mpe babuku, samu na kifwanukusu.

135 Mbote mingi, mu zola beno kutala munu mbote-mbote, mpe mosi na mosi kulanda munu ntangu yayi. Ntangu yayi, *yayi* awa kele Nzambi Tata. *Yayi* awa kele Nzambi Mwana. *Yayi* awa kele Nzambi Mpeve-Santu. Ntangu yayi, bantu yikwa ke bakula? Beno tuba yawu na manima ya munu. Nani kele na yisi *awa*? [Dibuundu me tuba, “Mpeve-Santu.”—Mu.] Mpeve-Santu. Nani kele yayi *awa*? [“Tata.”] Nani kele yayi *awa*? [“Mwana.”] Ntangu yayi, ya kele mutindu bantu ya Nzambi-tatu ke kwikilaka yawu, Beno me mona, yina ke sala beto mimpani, kaka na mutindu ya ntete ya lenda vwanda.

136 Juif; ya kele samu na yina beno lenda sala kima mosi ve na ba-Juif. Yandi tubaka, “Beno lenda zenga Nzambi ve na bitini tatu mpe kupesa Yandi na Juif.” Kasi, kieleka ve, beno lenda na munu mpe ve. Beno me mona? Ve, tata. Yandi kele Nzambi mosi. Ya kele kieleka. Banzambi tatu ve. Ntangu yayi beno tala mutindu—mutindu—mutindu mpasi ve Yawu kele.

137 Ntangu yayi beto ke tala. Ntangu yayi, nani kele. . . *Yayi* kele Nani? Ti muntu tuba ntangu yayi. Nzambi Mwana. Ya kele kieleka? *Yayi* kele Mwana. Mbote, na yina Tata ya Yandi kele Nzambi. Ya kele kieleka? Bantu yikwa ke kwikila ti Tata ya Yandi kele Nzambi? Beno telemisa diboko ya beno. Bantu yikwa ke kwikila ti Nzambi kele Tata ya Yesu Klisto? Mbote mingi.

Ntangu yayi Yesu Klisto butukaka mutindu yayi: . . .

138 Ntangu yayi beto ke vutuka na kutala Nani Tata, Mwana, mpe Mpeve-Santu kele, yina Matthieu tubaka, “beno botika na Nkumbu.” Beno me mona, Nkumbu; bankumbu ve ntangu yayi, samu ti ya lenda vwanda ve bankumbu, samu ti ya kele na ata nkumbu kuna.

Ntangu yayi Yesu Klisto butukaka mutindu yayi: Na . . . mama ya yandi Marie vwandaka fiancé na Joseph, ntete bawu kuvwanda kintwadi, yandi kuzwaka kivumu mosi ya Nzambi Tata. (Biblia ke tuba yina? Yinki Biblia ke tuba?) . . . yandi kuzwaka kivumu ya Mpeve-Santu.

139 Na yina nani ya *bayayi* kele Tata ya Yandi? Ntangu yayi, Biblia ke tuba ti *yayi* kele Tata ya Yandi, mpe Yesu tubaka ti *yayi* vwandaka Tata ya Yandi. Ntangu yayi, nani kele Tata ya Yandi? Ntangu yayi, kana yandi kuzwaka batata zole, na yina wapi mutindu? Kana Yandi kuzwaka batata zole, Yandi kele mwana ya makangu.

140 Ntangu yayi beto tanga kaka mwa ntama dyaka:

Kuna Joseph bakala ya yandi, na kuvwandaka muntu ya kudedama, vwandaka zola ve kutalisa yandi nsoni na meso ya bantu, kasi vwandaka yindula na kufwa makwela na yandi na mansweki.

Kasi na yina yandi vwandaka banza na bima yayi, beno tala, wanzio ya Mfumu talanaka na yandi na ndosi, na kutubaka, Joseph, nge mwana ya David, kuvwanda na boma ve na kubaka na nge Marie kento ya nge: samu ti kivumu yina kele na yandi kele ya . . . [Dibuundu me tuba, “Mpeve-Santu”—Mu.]

141 Yinki? Mpeve-Santu? Mbote, wapi mutindu Tata lenda vwanda Tata ya yandi, mpe Mpeve-Santu kuvwanda Tata ya Yandi na mbala mosi? Na yina, Yandi vwandaka na batata zole kuna, kana ya kele kieleka. Ve, tata! Mpeve-Santu KELE Nzambi. Mpeve-Santu KELE NZAMBI. Na yawu Nzambi mpe Mpeve-Santu kele Muntu mutindu mosi, to Yandi vwandaka na batata zole.

142 Beno me mona, beto ke mona nani *Jean* mpe *Marie* kele, na manima ya mwa ntangu fyoti. Mbote mingi, beto ke mona kana Pierre mpe Matthieu vwandaka meka na kuswaswakana mosi na yankaka to ve, kumona kana Masonukwa ke swaswakana Yawu mosi. Ya kele kukondwa ya lubakusu ya kimpeve. Ya kele kieleka.

Kasi na yina yandi vwandaka banza na yayi . . .

143 Mu bakaka yawu, nzila ya 20. Ntangu yayi 21:

Mpe yandi ke buta mwana ya bakala, . . . (Muntu yayi, yandi vwandaka nani na bayayi? Muntu Mosi,

Nzambi.) . . .mpe nge ke bokila yandi. . .(Nani?)
[Dibuundu me pesa mvutu, “YESU”—Mu.] . . .samu
ti yandi ke vulusa bantu ya yandi na masumu ya bawu.

. . .nyonso yayi kusalamaka, ti. . .kulungisa yina
Mfumu kuzonzaka na nzila ya profete, na kutubaka,

Beno tala, mwense ke vwanda na kivumu, mpe
ke buta mwana ya bakala, mpe ba ke bokila yandi
Emmanuel, . . .landila lutendulu, Nzambi na beto.

144 Na yina nani vwandaka *Jean mpe Marie* yina zingaka na nsayi na manima? Nani vwandaka Muntu yina tubaka, “Na yawu beno kwenda, kulonga bayinsi nyonso, na kubotikaka bawu na nkumbu ya Tata, Mwana, Mpeve-Santu”? Nani vwandaka Tata? Nkumbu ya Tata, Mwana, Mpeve-Santu? [Muntu mosi me tuba, “Yesu.”—Mu.] Kieleka, Yawu vwandaka. Kieleka, ata kuswaswana na yawu ve. Ata fyoti ve. Ya ke sungika kaka Masonuku. Yandi vwandaka Tata, Mwana, mpe Mpeve-Santu. Nzambi vwandaka (Emmanuel) zingaka na beto, na kuzingaka na kati ya nzutu ba vwandaka bokila “Yesu.”

145 Mbote, malongi ya bantu ya Nzambi-mosi na dibuundu ya Ba-unitaire, kieleka mu kele dibanza mosi ve na yawu, na kubanzaka ti Yesu kele mosi mutindu musapi ya beno kele mosi. Yandi zolaka kuzwa tata. Kana Yandi kuzwaka ve, wapi mutindu Yandi zolaka vwanda tata Yandi Mosi? Mpe kana Tata ya Yandi vwandaka muntu mutindu ba-Trinitaire ke tubaka, na yina Yandi zolaka butuka na lubutuku ya makangu na batata zole. Na yawu, beno ke mona, beno zole kele na foti na kuswana. Beno me mona?

146 Kasi Kieleka ya yawu kele, ti nyonso zole Tata, Mwana, mpe Mpeve-Santu, kele Muntu mosi. [Kisika ya mpamba na bande—Mu.] . . .na kuzingaka na tabernacle ya nsuni, samu na kukatula disumu na yinza. Yina kele kaka kieleka, “Nzambi na beto.” Mbote, na yawu, na yina Matthieu 28:19. . .

147 Ntangu yayi, beno tala Masonuku, mpe ntangu beno ke tala kisika muntu mosi na Biblia. . .(ntangu yayi beno banza na yawu, ntangu yayi ti beno bika ve yayi kuluta na zulu ya beno.) . . .kisika muntu mosi na kati ya Biblia kubotamaka ntete na nkumbu ya “Tata,” mpe ya “Mwana,” mpe ya “Mpeve-Santu,” beno vutuka na munu mpe beno tuba na munu ti mu kele muntu ya luvunu, mpe mu ke tula kidimbu na manima ya munu mpe ke tambula na mbanza. Ya kele ve na kati ya Masonuku, kubanda Genèse tii Apocalypse. Kasi muntu nyonso na kati ya Biblia kubotamaka na Nkumbu ya Yesu Klisto!

148 Beno ke tuba, “Beno vingila minuti, mulongi. Wapi mutindu samu na Jean? Yandi botikaka na ata nkumbu mosi ve!”

149 Mbote mingi, beto ke mona yinki kusalamaka; beto kwenda na—na Actes, kapu ya 19. Ya kele kisika beto ke mona bilandi ya Jean. Muntu nyonso vwandaka ya kubotama na Nkumbu ya

Yesu Klisto, tii beto ke mona nkonga yayi na lweka awa. Actes, kapu ya 19. Mpe beto banda na kutanga awa, mpe beto ke mona bilandi ya Jean:

Mpe ya salamaka, . . . ntangu Apollos (yina vwandaka muntu ya musiku, yina ndimaka) vwandaka na Corinthe, Paul kulutaka na myongo ya mikidi ya . . . Éphèse: yandi kutanaka ndambu ya bilandi, (bawu vwandaka bilandi ya Yesu)

150 Kana beno tala kaka kapu ya ntete na ntwala kuna, bawu vwandaka kuzwa ntangu mosi ya nene tii bawu vwandaka boka mpe kusepela. Bantu yikwa zaba ti ya kele kieleka? Mpe Aquilas mpe Priscille vwandaka na lukutakanu. Mpe ba bulaka mpe ba bikaka Paul mpe Silas bidimbu na nzutu, mpe kutula na boloko. Ya kele kieleka? Mpe bawu kwizaka awa, mpe talaka Aquilas mpe Priscille. Mpe bawu vwanda kuzwa réveil kuna na mulongi ya Baptiste, na nkumbu ya Apollos, yina vwandaka monisa na nzila ya Masonuku ti “Yesu vwandaka Klisto.” Ntangu yayi Paul me mona yandi:

. . . Paul kulutaka na myongo ya mikidi kwizaka ya . . . Éphèse: . . . kutanaka ndambu ya bilandi,

Yandi tubaka na bawu, Beno kuzwaka Mpeve-Santu ntangu beno kwikilaka? . . .

151 Ntangu yayi, beno nkundi ya munu ya Baptiste ya luzolo, kana yina ke balula beno ve landila théologie ya beno, na yina beno ke tuba beno “kuzwaka Mpeve-Santu ntangu beno kwikilaka.”

152 Kasi Paul vwanda zola kuyufula ba-Baptiste yayi, “Beno kuzwaka Mpeve-Santu ntangu beno kwikilaka?” Ntangu yayi beno tala mbote yina bawu tubaka:

. . . Mpe bawu tubaka na yandi, Beto zaba . . . kana ti ya kele na Mpeve-Santu mosi.

Mpe yandi tubaka na bawu, Na yina . . . (ntangu yayi, kana beno zola kubaka lexique ya Grec awa, ya ke lakisa beno, “Na wapi mutindu beno botamaka?”) . . . Na wapi . . . beno botamaka? Mpe bawu tubaka na yandi, Landila ya Jean awa. Jean botikaka beto.

153 Ntangu yayi mu zola kuyufula: Kana beno kuzwaka mbototika yina, beno zolaka sepela na yawu? Muntu mosi yina nataka Yesu na nzadi, mpe botikaka Yesu Klisto, muntu mosi yango botikaka bantu yayi. Ya kele mbotika ya mbote mingi: ve kumwangisa mwa maza, ve kulosa mwa maza, kasi kukotisa na maza ya poto-poto ya ntama ya Jourdain kisika mosi ba botikaka Yesu. Beno banza na yawu.

154 Paul tubaka, “Beno kuzwaka Mpeve-Santu ntangu beno kwikilaka?” Bawu . . . yandi . . .

Bawu tubaka, “Beto zaba . . . kana ti ya kele na Mpeve-Santu mosi.”

Yandi tubaka, “Wapi mutindu ba botikaka beno?”

Bawu tubaka, “Beto botamaka.”

“Wapi mutindu ba botikaka beno?”

“Na ya Jean!”

155 Ntangu yayi beno tala mbote yina Paul tubaka. Beno tala mbote awa:

Mpe yandi tubaka na bawu, . . . beno bo- . . . Na ya Jean . . . Mpe bawu . . .

Mpe kuna Paul kutubaka, kieleka Jean botikaka . . . mbo- . . . na kubalula ntima, na kutubaka na . . . bantu, . . . ti bawu fwana kwikila na yandi yina ke na kwiza na manima ya yandi, yina kele, na Yesu Klisto.

156 Beno me mona, Jean kubotikaka kaka na kubalula ntima, kasi mbotika na maza na Nkumbu ya Yesu kele samu na lemvo ya masumu. Kuna kukatula-masumu kuvwandaka ve, ba zolaka lemvo kila masumu ve. Ntangu yayi . . . Ya vwandaka kaka mvutu ya konsiansi, mutindu landila musiku. Luc 16:16, ke tuba, “Musiku mpe bapofete vwandaka tii na Jean, katuka kuna ba ke longa Kimfumu.” Ntangu yayi beno tala mbote. Mpe . . . Beno tala mbote.

Mpe Paul tubaka na . . . (ntangu yayi beno tala mbote) . . . Beno kuzwaka . . .

157 Nzila ya 5—ya 5:

Mpe na yina bawu kuwaka yayi, bawu kubotamaka (dyaka) na nkumbu ya . . . Yesu Klisto.

158 Ya kele kieleka? Na yina bantu yayi, bantu ya Actes 2, kubotamaka na Nkumbu ya Yesu. Ba-Juif kubotamaka na Nkumbu ya Yesu. Bantu ya makanda kubotamaka na Nkumbu ya Yesu. Mpe muntu nyonso na Biblia ya muvimba kubotamaka na Nkumbu ya Yesu.

159 Ntangu yayi beno kuzwa kisika mosi yina muntu yankaka kubotamaka na mutindu yankaka, mpe mu ke kwenda mbala mosi awa mpe ke lakisa beno kisika dibuundu ya Katolika ke ndimaka yawu, mpe ke tuba ti beno fukama na yawu. Mpe ke tuba, “Ya lenda vwanda na ndambu ya Bamisyoni ke vuuka samu ti ba kele na mwa malongi ya Katolika, mutindu mbotika na nkumbu ya ‘Tata, Mwana, mpe Mpeve-Santu’; ti dibuundu ya Katolika ya santu kele na muswa ya kusoba yawu bawu mosi na Nkumbu ya Yesu, na ‘Tata, Mwana, mpe Mpeve-Santu,’ mpe dibuundu ya Misyoni ke ndimaka yawu.” Yandi yayi ve, mu ke vwanda na Biblia. Mu ke kwikila Biblia.

160 Beno ke tuba, “Mpangi Branham, nge ke lomba bantu na kubotama dyaka?” Kieleka! Paul sala yawu, awa.

161 Ntangu yayi beno tala mbote, beto baka Galates 1:8, mpe kutala yina Paul kutubaka:

*. . . kana beto, to wanzio yina me katuka na mazulu,
kulonga nsangu mosi ya mbote yankaka na beno . . . na
yina beto longaka na beno, ti yandi vwanda ya kusinga.*

162 Beno bawu yayi, “Kana beto to wanzio.” Mpe Paul, muntu kaka mosi, lombaka na bantu na kubotama dyaka yina vwandaka mbotika ya kulutila mbote na yina beno kuzwaka, mpangi ya munu ya bakala; samu ti Jean-Baptiste vwandaka kisoni ya Yandi mosi Yesu, kisoni ya fyoti; na kubotikaka kisoni ya yandi na nzadi ya Jourdain, mpe na manima mpe botikaka bilandi ya Jean. Mpe Yesu tubaka, “Yina ke simba ve!” to Paul kutubaka Yawu, mpe tumaka bawu na kubotama dyaka na Nkumbu ya Yesu Klisto ntete bawu kuzwa Mpeve-Santu; na yina bawu kubokaka mpe vwandaka sepela na Nzambi mpe vwanda kuzwa ntangu ya nene, na kuzwaka réveil ya nene—ya nene, mpe na kumonisaka na nzila ya Biblia (na théologie ya bawu) ti Yesu vwandaka Klisto. Bantu yikwa zaba ti ya kele Masonuku? Kapu ya 18. Kieleka ya kele. Beno bawu yayi. Na yawu ya kele na ata kyuvu ve na Yawu.

163 Ntangu yayi bika mu pesa beno kima mosi ya ngundi. Ntangu yayi, yandi ata mbala mosi ve kubasikaka na nzila, kasi na Luc. . . Matthieu, kapu ya 16. Yesu, na yina bawu kulumukaka mongo, Yandi tubaka, “Nani bantu ke tuba ti Munu Mwana ya muntu kele?”

164 “Bayankaka ke tuba ti Nge kele ‘Élie,’ mpe bayankaka ke tuba ti Nge kele ‘bapofete,’ mpe bayankaka ke tuba ti Nge kele ‘yayi, yina.’”

165 Yandi tubaka, “Kasi Nani beno ke tuba?”

166 Pierre tubaka, “Nge kele Klisto, Mwana ya Nzambi ya moyo.”

167 Beno tala mbote! “Kyese na nge, Simon Barjonas (mwana ya Jonas), ata mbala mosi ve ti nsuni mpe menga me monikisa Yayi na nge.” Amen!

168 Beno me mona, Yawu fwana kwiza na luzayikisu ya kimpeve. Ata mbala mosi ve ti nsuni mpe menga tubaka na Abel ti yandi vwandaka na foti (Caïn, ti yandi vwandaka na foti), ata mbala mosi ve tubaka na Abel ti “Caïn vandaka na foti.” Kasi Yawu vwandaka luzayikisu yina Abel kuzwaka, “Ya vwandaka menga!” Beto ke kuma na kyuvu yina na minuti fyoti. Ya vwandaka menga, bambuma ve, yina katulaka beto na disamba ya Eden. “Ya vwandaka menga,” mpe Abel, na luzayikisu ya kimpeve, vwandaka na luzayikisu ya Nzambi ti ya vwandaka menga, mpe yandi, “Na nzila ya lukwikilu,” Hebreux 11:1 ke tuba, “yandi pesaka na Nzambi munkayulu ya kulutila mbote na yina ya Caïn. Na yina, Nzambi ndimaka munkayulu ya yandi.”

Beno bawu yayi. Beno me mona, yandi pesaka yawu na nzila ya lukwikilu, na nzila ya luzayikisu.

169 Ntangu yayi beno tala mbote, “Nsuni mpe menga me monikisa yayi ve na nge,” (na ntama Mfumu Yesu) “kasi Tata ya Munu yina kele na Mazulu me monikisa Yayi na nge. Mpe na zulu ya ditadi yayi (luzayikisi ya Yesu Klisto). . . Na zulu ya ditadi yayi Mu ke tunga Dibuundu ya Munu, mpe bankotolo ya difelo ke telemina Yawu ve.” Ya kele yina Yandi tubaka. Ya kimpeve luza- . . . “Mpe Mu ke tuba ti nge kele Pierre, mpe Mu ke pesa na nge bafungula ya Kimfumu. Mpe nyonso. . . Samu ti beno kele na nzila ya kimpeve ya kufunguka na kati-kati ya awa mpe Mazulu. Nsuni mpe menga: ata mbala mosi ve ti nge kotaka seminere, ata mbala mosi ve ti nge kotaka lukolo, ata mbala mosi ve ti nge me landaka malongi ya théologie. Kasi beno ke tala na Nzambi, mpe Nzambi me monikisa Yawu na nge, mpe ya kele kieleka Masonuku ya pwelele yina ke kanga Yawu kintwadi. Mu ke tuba nge kele Pierre, ya kele kieleka, mpe Mu ke pesa na nge bafungula; mpe yina beno ke kangisa na ntoto, Mu ke kangisa yawu na Mazulu; yina beno ke zibula na ntoto, Mu ke zibula yawu na Mazulu.”

170 Mpe Pierre vwandaka yina zonzaka na Kilumbu ya Pantekote, na yina bawu nyonso vwandaka na boma ya kuzonza, yandi zonzaka mpe tubaka, “Beno bantu ya Judée mpe beno bayina ke zingaka na Jérusalem, ti yayi kuzabana na beno mpe beno kuwa Bandinga ya munu. Bayayi kele ve ya kunwa malafu mutindu beno ke banza, na kumonaka ya kele ngunga ya yivwa ya suka, kasi yayi kele yina profete Joël kuzonzaka. ‘Ya ke salama na bilumbu ya nsuka,’ tubaka Nzambi, ‘Mu ke tsyamuna Mpeve ya Munu na zulu ya nsuni nyonso. Bana ya beno ya babakala mpe bana ya bakento ke pesa baprofesi. Mpe na zulu ya bisadi ya Munu ya kento, na zulu ya bampika, Mu ke tsyamuna Mpeve ya Munu. Mpe Mu ke lakisa bidimbu na zulu ya mazulu mpe na yisi na ntoto, mpe makunzi ya mulinga mpe mupepe ya tiya. Ya ke salama ntete Kilumbu ya nene mpe ya mpassi ya Mfumu ke kwiza, ti muntu nyonso yina ke bokila Nkumbu ya Mfumu ke kuzwa mpulusu.’ Beno bawu yayi. Oh, la la.

171 “Bika mu zonzila na kimpwanza na beno na nkooko David,” yandi tubaka, “yandi kele ya kufwa mpe ya kuzika, mpe ndyamu ya yandi kele na beto na kilumbu yayi. Na yawu, yandi na kuvwandaka profete, yandi monaka. . . yandi monaka Yandi na ntwala na diboko ya Yandi ya kibakala, ‘Mpe Mu ke ningana ve. Mpe nsuni ya Munu ke pema na kati ya kivuvu samu ti Yandi ke bika ve moyo ya Munu na difelo, to dyaka ke bika Muntu ya Nge ya Santu kumona kupola.’”

172 “Mpe David kele ya kufwa,” yandi tubaka, “mpe yandi kele ya kuzika, mpe ndyamu ya yandi kele na beto kilumbu yayi. Kasi yandi na kuvwandaka profete, yandi monaka na ntwala nkwezulu ya Muntu ya Kudedama, Yandi yina Nzambi me sala

nyonso zole Mfumu mpe Klisto.” Oh, la la. Beno tala Masonuku ya beno. Beno tala dyambu. Beno tala yina ya kele.

¹⁷³ Ntangu yayi beto ke mona awa, na yina, ti mutindu ya kulunga, mpe mutindu ya kieleka, mpe mutindu kaka yina ba tumaka . . . Mpe Pierre vwandaka na bafungula, mpe na kilumbu yina ntangu yandi longaka, bawu tubaka . . . Ntangu yayi beno tala mbote, beno tala Dibuundu ya ntete. Beno bantu ya Katolika beno kuwa Yayi. Beno ba-Campelliste beno kuwa Yayi. Beno ba-Baptiste mpe ba-Méthodiste beno kuwa Yayi. Mpe beno bantu ya Pantekote beno kuwa Yayi. Dibuundu ya Nzambi, ba-Nazaréen, ba-pèlerin de la sainteté, beno kuwa Yayi.

¹⁷⁴ Pierre vwandaka na bafungula, mpe yandi vwandaka na lutumu, to Yesu vunaka. Mpe ya lenda salama ve na Yandi na kuvuna, “bima zole lenda soba ve, ya lenda salama ve na Nzambi na kuvuna.” Yandi vwandaka na bafungula. Yesu pesaka yandi. Ntangu Yandi vumbuka na kilumbu ya—na kilumbu ya tatu mutindu yina, Yandi vwandaka na bafungula ya lufwa mpe, ya difelo, kasi bafungula ya Kimfumu ve. Pierre vwandaka na yawu! Ya kele kaka kieleka.

¹⁷⁵ Mpe ntangu yayi beno tala mbote, Pierre, nge kele na bafungula yina kele na lweka ya nge, mpe nge ke na kulongaka. Kyuvu ke kwiza, bandimi ya ntete ya dibuundu ya malu-malu. Dibuundu ya Miklito ya ntete. Ntangu yayi beno Katolika, ntangu yayi beno ba-Baptiste, ba-Méthodiste, ba-Presbytérien, beno kele ya kutunga na malongi ya Dibuundu ya Malu-malu? Beno tala kana beno kele.

. . . Mpangi, *yinki beto lenda sala?*

. . . *Pierre* telamaka mpe *tubaka* . . . *Beno balula ntima ya beno, . . . mosi na mosi ya beno* . . . (sala keba, mwana-bakala; mutindu nge ke tula bafungula yango awa, Klisto ke tula yawu na Mazulu) . . . *Beno balula ntima mosi na mosi ya beno, mpe beno botama na nkumbu ya Yesu Klisto* . . . (ya kele mutindu beno ke kota na kati ya Yayi) . . . *samu na lemvo ya masumu ya beno, mpe beno ke kuzwa dikabu ya Mpeve-Santu.*

¹⁷⁶ Bafungula salaka “klik” awa, mpe ya salaka “klik” Kuna. Ya kele samu na yina bilandi ya Jean zolaka kwiza mpe kubotama, dyaka, na Nkumbu ya Yesu Klisto (ntete bawu kukota na Mazulu), kuzwa Mpeve-Santu. Yandi zitisaka Ndinga ya Yandi. Na yawu ya sala beno muvusu ve ntangu yayi, ve? Beno me mona? Kieleka, Matthieu 28:19 vwandaka bisalu, Nkumbu ve.

¹⁷⁷ Mbote mingi, ntangu yikwa me bikana na beto? Beto lenda kuzwa dyaka baminuti kumi na tanu na kupesa dyaka mvutu na bakyuvu zole to tatu kieleka na nswalu? Beto lenda? Mbote mingi, beto sala kaka nswalu. Mu kele na zole awa na yisi, mu vwanda zola kubaka yawu na nswalu, kuvukisa mbala mosi na

yayi, kana mu lenda. Na yina mu lenda kubaka bayankaka ya yawu Lumingu na suka.

57. Caïn vwandaka nkuna ya nyoka? (Yayi kele mosi ya mbote.) Kana ya kele mutindu yina, samu na yinki Ève kuzwaka ve kivumu tii na manima Adam kuzabaka yandi?

Mutindu mosi. . . kyuvu ke landa kele mutindu mosi:

58. Ya vwandaka yinti ya kieleka yina Ève kudyaka mbuma? Yandi monaka ti yawu vwandaka mbote na kudya.

¹⁷⁸ Mbote mingi, mpangi ya bakala, mpangi ya kento, muntu nyonso yina ya lenda vwanda, beto vutuka na Genèse mpe beto tala kima mosi awa. Beto kwenda na Genèse 3:8, kana beno zola. Mbote mingi, mpe beno kuwa kieleka mbote ntangu yayi.

¹⁷⁹ Ntangu yayi mu ke baka disolo. Nyonso vwandaka ya kuvedila mpe ya santu, ya vwandaka na ata disumu to ata mvindu ve. Ntangu yayi mu ke baka. . . ya beno. . . na ntete kyuvu ya ntete. Yinti na kati ya luzingu. . . na kati-kati ya disamba, na kati-kati ya yinti. *Yinti* vwandaka “kento.” Ntangu yayi mu ke monisa yawu na beno na nzila ya Masonuku kana beno lenda vingila baminuti fyoti.

¹⁸⁰ Beto ke tala ntete kana yandi vwandaka. . . kana yandi kuzwaka kivumu ntete yandi kuzabana na Adam to ve, to ntete. . . Beno kuwa:

Mpe bawu kuwaka ndinga ya MFUMU Nzambi yina vwandaka tambula na kati ya disamba, mpe na madidi ya kilumbu: mpe Adam mpe kento ya yandi kubumbamaka bawu mosi na ntuala ya MFUMU Nzambi na kati-kati ya bayinti ya disamba.

Mpe MFUMU. . . bokilaka Adam, mpe tubaka. . . Wapi kisika nge kele?

Mpe yandi tubaka, mu me kuwa ndinga ya nge na kati ya disamba, mpe mu me vwanda na boma, samu ti mu kele kinkonga; . . . (ntangu yayi, yandi zabaka ve ti kilumbu na ntuala; ti kima kusalamaka, kima monikisaka na yandi ti yandi vwandaka kinkonga) mpe mu me bumbama.

Mpe yandi tubaka, Nani me tuba na nge ti nge kele kinkonga? Nge me kudya yinti, . . . ?

¹⁸¹ Kudya ya yinti salaka yandi kuzaba ti yandi vwandaka kinkonga? Mutindu mu ke tubaka ntangu nyonso, (yayi kele ve kusakana, mu zola ve kutuba yawu samu na kusakana) “Kasi kana kudya ba-pomme ke sala bakento kubaza ti bawu kele kinkonga, beto ke sala mbote na kulutisa dyaka ba-pomme.” Beno me mona? Ya vwandaka ve kuvwanda kinkonga. Ya vwandaka ve yinti, pomme bawu kudyaka, ya vwandaka kuvukisa banzutu. Beno tala mbote:

. . . *Nge me kudya ya yinti, yina mu tumaka na nge ti nge fwana kudya ve?*

Mpe bakala tubaka, Kento yina nge me pesa na kuvwanda na munu, yandi pesaka munu. . . yinti, mpe mu me kudya.

Mpe Mfumu. . . tubaka na kento, Yinki yayi nge me sala? Mpe kento tubaka, Nyoka vunaka munu, . . . (huh?). . . Nyoka vunaka munu, mpe mu me kudya. (ntama mingi ntete yandi kuzwa kivumu, beno me mona, na Adam)

¹⁸² Adam zabaka yandi, mpe yandi kumaka na kivumu mpe butaka—mpe butaka Abel.

¹⁸³ Kasi mu zola kuyufula beno, kaka landila mukanda. Ntangu yayi samu na kulakisa beno ti kento vwandaka yinti, kento nyonso kele yinti ya mbuma. Bantu yikwa zaba yawu? Beno kele ve mbuma ya mama ya beno? Kieleka, beno kele. “Mpe na kati-kati ya mbuma, to na kati-kati ya yinti, mbuma yina kento zolaka simba ve.”

¹⁸⁴ Kana beno ke tala, Yesu vwandaka ve Yinti ya Luzingu? Yandi silaka ve na Santu Matthieu, to, na Santu Jean, kapu ya 6, “Mu kele Dimpa ya Luzingu yina me katuka na Nzambi na Mazulu?”

¹⁸⁵ Kana bakala kudya ya kento. . . Mpe beno tala, na nzila ya lubutuku ya . . . na nzila ya kento, beto nyonso ke kufwa; samu ti beto kele bantu ke kufwa (ya kele kieleka?) na nzila ya lubutuku ya kento. Na nzila ya lubutuku ya bakala, beto nyonso ke zinga samu na kukonda nsuka. Kento kele yinti ya lufwa, bakala kele yinti ya luzingu; samu ti kento ke nataka ve luzingu na kati ya yandi. Ya kele kaka kieleka. Nkuna ya luzingu ke katukaka na bakala, kieleka. Ke kota na kento, mpe kento kele kima mosi ve kasi kifuku; mpe bébé kele ve ya kuvukana, kaka mutoloko. Ata ditona ya menga ya mama kele na bébé; yandi ke butuka na menga ya yandi, kasi ata ditona mosi ve *na* bébé. Beno kwenda tala . . . to beno tanga buku ya dokotolo, to beno yufula dokotolo ya beno, beno ke mona. Ya kele ve kuna, ve, tata, ata ditona ve ya fyoti na mosi ya yawu. Yandi kele kaka diki, kaka yina. Mpe luzingu ke katukaka na bakala.

¹⁸⁶ Ya kele kifwanukusu ya kitoko samu na kulakisa ti na nzila ya kento, na nzila ya lubutuku ya kimuntu, beto nyonso fwana kufwa, samu ti beto kele ya kufwa na kubanda; mpe kaka na nzila ya Bakala Klisto Yesu ti beto lenda zinga. Mpe beno tala bayinti zole na disamba ya Eden. Beno lenda mona yawu ve?

¹⁸⁷ Mpe beno tala mbote! Mpe na kilumbu yina ya vwandaka na Chérubin yina vwanda keba yinti yayi. Ti kana bawu mekaka na kudya Yinti ya Luzingu yina, bawu nyonso zolaka zinga kukonda nsuka. Bantu yikwa zaba yawu? Bawu zolaka zinga kukonda nsuka. Mpe mbala ya ntete bawu zolaka meka yawu. . . Wanzio

tubaka, “Beto ke keba na Yawu.” Mpe bawu tulaka ba-Chérubin kuna na bambele yango ya tiya na lweka ya esete samu na kukeba na Yawu. Bawu vutulaka Yawu na Esete, mpe kebaka Yinti yango na bambele ya tiya samu ti bawu kukota ve na kubaka Yawu (Yinti yayi).

¹⁸⁸ Mpe ntangu Yesu kwizaka, Yandi tubaka, “Mu kele Dimpa ya Luzingu, ti muntu yina ke kudya dimpa yayi ke kufwa dyaka ve.” Beno tala Yinti ya beno.

¹⁸⁹ Beno tala kento ya beno, beno tala kinkonga ya beno yina ke nata lufwa. Kaka mutindu ya kele na luzolo ya kuvukisa banzutu, ya kele na lufwa na nzila ya yawu. Mpe mutindu ya kele na lubutuku ya kimpeve, ya kele na Luzingu ya Kukonda nsuka na nzila ya Yawu. Lufwa kwizaka na nzila ya lubutuku na kento, mpe Luzingu kwizaka na nzila ya lubutuku na Bakala. Amen! beno bawu yayi.

¹⁹⁰ Ntangu yayi beto vutuka na Caïn. Beno lenda tuba na muni kisika mpeve yina mpe mambu ya yimbi yina katukaka? Kana Caïn. . . beno tala, kana Caïn vwandaka mwana ya Adam yina vwandaka mwana ya Nzambi, wapi kisika yimbi yina katukaka? Kima ya ntete ntangu yandi butukaka, yandi vwanaka yinaka, yandi vwanaka muntu ke kufwaka bantu, yandi vwanaka na musoki. Mpe ntangu yayi beno baka nkadulu ya papa ya yandi, na ntonono na mbandukulu, Lucifer, mpe yandi vwanaka na mbandukulu. . . yandi vwanaka na musoki na Michael, yina bandaka dyambu ya muvimba. Bantu yikwa zaba yawu? Mpe Caïn vwanaka na nkadulu ya tata ya yandi, na yina yandi vwanaka na musoki ya mpangi ya yandi ya bakala mpe kufwaka yandi. Ya kieleka yina. . . nkadulu yina zolaka basika ve na yinto yango ya kieleka. Ya ke kwiza. . . zolaka basika na yinto yayi ya ba me bebisa. Mpe beno tala Caïn, ntangu kaka yandi butukaka.

¹⁹¹ Mpe dyaka Abel butukaka na manima ya yandi, na manima yandi kuzwaka kivumu na Adam, mpe yandi zabaka—zabaka yandi mpe yandi butaka mwana ya bakala Abel. Mpe Abel vwanaka kifwanukusu ya Klisto; mpe ntangu—ntangu ba kufwaka Abel, Seth kubakaka kisika ya yandi; lufwa, luzikulu, mpe mvumbukulu ya Klisto, na kifwanukusu.

¹⁹² Kasi, ntangu yayi, kusambila ya Caïn; bisalu ya yandi nyonso ya nsuni, kaka mutindu dibuundu ya nsuni bubu yayi: bawu ke kwendaka na dibuundu, bawu ke sambilaka. Kusambila ya Caïn; yandi vwanaka ve muntu ya kukwikama ve, yandi vwanaka ve communiste. Caïn vwanaka mukwikidi; yandi belamaka na Nzambi, yandi tungaka autel. Yandi salaka kima nyonso ya lukwikilu yina Abel vwanaka sala, kasi yandi vwanaka ve na luzayikisu ya kimpeve ya luzolo ya Nzambi. Lusakumunu na Nkumbu ya Mfumu! beno bawu yayi. Beno ke mona Yawu? Yandi vwanaka ve na luzayikisu ya kimpeve, mpe ya kele yina

kele dyambu na dibuundu bubu yayi. Mpe Yesu tubaka ti Yandi ke tunga Dibuundu ya Yandi na zulu ya luzayikisu ya kimpeve yango. Beno me bakula Yawu? Oh, la la, meso ya beno lenda zibuka ntangu yayi. Beno me mona, luzayikisu ya kimpeve.

¹⁹³ Caïn kwizaka: yandi tungaka autel, yandi sambilaka, yandi nataka munkayulu, yandi fukamaka, yandi kembisaka Nzambi, yandi sambilaka Nzambi, yandi salaka nyonso ya lukwikilu yina Abel kusalaka. Mpe Nzambi mangaka kaka yandi samu ti yandi vwandaka ve na luzayikisu ya kimpeve!

¹⁹⁴ Beno landa kaka singa mosi yango ya Caïn: nzila nyonso tii nzasa, katuka nzasa tii na Israël, katuka Israël tii na Yesu, mpe katuka Yesu tii na kilumbu yayi; mpe beno mona kana dibuundu yango ya nsuni, ya misiku, ya mpasi mpe ya kukangama, ya luzabu, mu zola kutuba bantu yina kele na Masonuku, bayina zaba malongi nyonso mpe ba- théologie, bawu lenda tendula yawu, mwana, kaka mutindu *yina*, kasi kukondwa luzayikisu ya kimpeve! [Mpangi Branham me bula misapi ya yandi—Mu.] Ya kele kieleka. Yina kele malongi ya Caïn.

¹⁹⁵ Biblia ke tuba, “Kyadi na bawu! samu ti bawu me landa malongi ya Caïn, me kota na ba-foti ya Balaam, mpe me kufwa na kukatukilaka nzila ya Koré.” Buku kaka mosi, ya Jude, yandi ke tuba, “Bawu solamaka samu na lufundusu yayi.” kieleka, bawu kele. Beno me mona? Yinki vwandaka Balaam? Yandi vwandaka évêque. Yandi vwandaka na zulu ya dibuundu nyonso. Yandi belamaka kuna kaka mutindu ya kukangama na misiku mutindu yandi lendaka kuvwanda. Yandi pesaka munkayulu . . . Beno tala yandi kuna ya kuvwanda na bantu ya lukumu, ya kutelama kuna na kati ya lukumu ya bawu ya nene. Mpe bawu vwandaka ve bantu ya kukwikama ve, bawu vwandaka mikwikidi.

¹⁹⁶ Ti—ti dikanda ya Moab kubasikaka na mwana ya kento ya lot. Lot yina zingaka . . . mwana ya kento ya Lot yina zingaka na tata ya yandi, mpe kuzwaka kivumu mpe butaka mwana, mpe mwana yango vwandaka . . . yandi salaka dikanda ya Moab. Mpe bawu vwandaka dénomination ya nene. Bantu ya nene, yina zaba kubongisa, mpe bawu vwandaka na bana ya babakala ya ntinu mpe bantinu mpe bantu ya lukumu. Bawu vwandaka na ba-evêque mpe ba-cardinal mpe nyonso.

¹⁹⁷ Mpe awa me kwiza nkonga ya ba-exalté ya santu, nkonga yankaka, Israël; nkonga mosi ya fyoti yina vwandaka na dénomination ve, yina ke yambaka bantu nyonso. Mpe bawu salaka nyonso yina vwandaka kuna na zulu ya kate yina zolaka salama, ya yimbi mpe. Kasi yina ya vwandaka, bawu vwandaka na luzayikisu ya kimpeve, mpe Nzambi vwandaka na bawu na Dikunzi ya Tiya.

¹⁹⁸ Oh, mu—mu zaba ti bawu vwandaka na bima ya nsuni, mpe bantu tubaka, “Nkonga ya bantu ya kukondwa mayela mutindu yina, kima ve ya kusala kasi kulosa bawu na ngaanda.” Kasi

bawu vwandaka na luzayikisu ya kimpeve, mpe bawu vwandaka na Ditadi yina ba bulaka, bawu vwandaka na nyoka ya kisengo, bawu vwandaka na Dikunzi ya Tiya yina vwandaka tambula na bawu. Alleluia! Mu zaba ti beno—beno ke na kubanza ti mu kele na sensation, kasi ve. Mu ke na kuwa kaka mbote.

199 Beno tala! Ntangu beno ke banza, “Ti Nzambi mosi yango, bubu yayi, ke zinga na beto.” Ya kele dyaka luzayikisu ya kimpeve ya Ndinga. kieleka, ya kele. Ya kele kieleka ya Seko. Lusakumunu na Nkumbu ya Mfumu! Yinga, tata.

200 Awa yandi me telama na zulu kuna, muntu ya misiku; nkonga yango ya ba-Baptiste mpe ya ba-Presbytérien me telama na zulu ya mongo, mpe me bokila évêque ya bawu kuna. Mpe bawu vwandaka kaka misambidi, mpe mutindu mosi ya nsambulu, bawu sambilaka Nzambi mosi. Bawu tubaka, “Beno tala kuna na yisi na nkonga yina ya mvindu. Beno tala, bawu kele na ata dénomination ve. Bawu kele kima mosi ve kasi nkonga ya ba-exalté, yina ke bokaka, yina ke yimbaka na ngolo mpe yimbi.”

201 Ya kele kieleka? Kieleka, bawu vwandaka yawu. Kana beno ke kwikila ve ti bawu vwandaka ba-exalté, beno vutuka na Genèse mpe beno tala ntangu bawu sabukaka. Mpe kimangu kusalamaka, mpe Miryam bakaka tambourin mpe kwenda na simu ya maza, na kubulaka tambourin; vwanda bina na Kimpeve, mpe Moïse kuyimbaka na Kimpeve. Kana ya kele ve nkonga ya yina beto ke bokilaka ya kimpwanza . . . ba-exalté, mu zaba ve yinki ya kele; ke yimba mpe ke dumuka mpe ke kembila. Mpe ntangu nyonso bayinsi ke yina bawu, kasi Nzambi vwandaka na bawu. Bawu vwandaka na luzayikisu ya kimpeve, bawu vwandaka landa Dikunzi yango ya Tiya.

202 Mpe Moab tubaka, “Ntangu yayi, beno tala awa. Beto ke bokila ba-cardinal nyonso mpe ba-évêque nyonso, mpe ba-presbytérien nyonso, mpe kubasisa bawu awa. Beto ke sala kima mosi samu na yawu, samu ti beto kele yinsi ya misambidi. Beto ke bika ve ba-propagande yango kukota na dénomination ya beto ya mbote.”

203 Mpe na yawu bawu basisaka bawu kuna. Mpe bawu tungaka ba-autel kumi na zole; ya kele kaka kieleka yina vwandaka na Israël, ba-autel kumi na zole. Bawu tulaka minkayulu kumi na zole na zulu ya yawu, bangombe ya bakala; kaka kieleka yina vwandaka na Israël, yina Nzambi vwandaka lomba. Bawu tulaka mameme na zulu ya yawu, na kumonikisaka nkwezulu ya Mfumu Yesu Klisto; mameme kumi na zole na bisika nyonso zole.

204 Bantu nyonso ya lukumu, ba-evêque mpe nyonso, kutelamaka pene-pene. Bawu me tula tiya na munkayulu. Bawu me sambila, bawu me nangula maboko ya bawu na Yehowa mpe me tuba, “Yehowa, kuwa beto!” Yinki bawu vwanda meka na kusala? Mpe Balaam kiboba ya bawu me belama mutindu yina,

kati ya beno, mpe yina beno nyonso zaba.” (beno bawu yayi) “Yandi na kuvwandaka ya kuyekula . . . na ntete . . . na Conseil ya bakuluntu kuna. Kasi na luzabu ya Nzambi, Nzambi kubikaka Yandi ntete na kufwa na lufwa yayi. Beno yekulaka Yandi na maboko ya yimbi mpe ya nkú. Beno komaka na kulunsi Mwana ya ntinu ya Luzingu, Yandi yina Nzambi vumbulaka. Mpe beto kele bambangi ya yawu.”

214 Fiu, wapi mutindu ya mulongi! Ve . . . yandi lendaka ata ve kusonika nkumbu ya yandi, kasi yandi zabaka Nzambi. Bawu tubaka ti bawu “zabaka yandi ti yandi vwandaka na Yesu.” Kieleka, ya kele luzayikisu ya kimpeve. Oh, la la. Ntangu yayi, beno bawu yayi.

215 Caïn vwandaka kaka na kati ya nsinga yina, ti dibuundu ya nsuni kele na kati ya nsinga mosi bubu yayi. Dibundu ya Kimpeve kele dyaka na Dikunzi ya Tiya, kele dyaka na bidimbu, mambu ya ngitukulu, kele dyaka na Klisto mosi; yina pesaka kimbangi nzila nyonso katuka mwana - dimeme yina kufwaka na disamba ya Eden, tii na Nkwizulu ya zole ya Mwana - dimeme. Kieleka, mutindu mosi mazono, bubu yayi, mpe kukondwa nsuka.

216 Mpe nsinga yango ya Caïn, ya nsambululu mpe ya kulengula mpe ya kulongoka, mbala mosi kaka mutindu mosi; kaka mutindu mosi, konso kilumbu mutindu kaka mosi. Mitongi mpe mizombi, mutindu Caïn vwandaka na Abel, mutindu mosi bawu kele bubu yayi, mpe bawu vwandaka mpe ke vwanda ntangu nyonso; bantu ya nsuni, bantu ya kukondwa lukwikilu. Ya kele kieleka.

217 Ntangu yayi Genèse 3:8, mpe mu me tula mpe 20 awa, yina mu vwandaka tala mwa ntangu fyoti me luta:

Mpe Adam bokilaka . . . Mpe Adam bokilaka kento ya yandi . . . Ève; samu ti yandi vwandaka mama ya luzingu nyonso. (beno me mona, ya vwandaka na manima kuvuna yayi kusalama yimeni)

218 Caïn vwandaka . . . “Ntangu yayi beno vingila!” Beno ke tuba, “Wapi mutindu nyoka, nyoka mosi?”

219 Kasi, mpangi, beno tala mbote awa, Biblia ke tuba ve ti yandi vwandaka nyoka; Biblia ke tuba ti, “Yandi vwandaka ya kulutila mayela ya yimbi na baniama nyonso ya mfinda.” Yandi vwandaka ve reptile, yandi vwandaka niama. Yandi vwandaka . . . Mpe kuna . . .

220 Mpe beno bika kaka munu kupesa beno yayi mutindu mwa kidimbu na kati-kati ya beto, kana beno zola. Ya kele kisika science kele na kati ya poto-poto. Kima yina bawu lenda mona yina kele pene-pene na muntu, kele kimpenzi. Bantu zaba yawu? Kasi ya kele na kima na kati-kati kuna. Bawu lenda sala ve mikwa ya kimpenzi kuvukana na mikwa ya muntu, ata ti ya kele kima ya kele pene-pene mingi. Bawu lenda tala

nsinga na larve ya mpangu. Bawu lenda tala nsinga na ditaka. Bawu lenda tala nsinga na yandi na niama mpe niama nyonso. Bawu lenda tala nsinga na yandi na ulusu. Beno baka ulusu mpe beno katula yawu mpusu, ya kele kaka mutindu ntwenya ya kento. Kaka kima mutindu mosi. Beno baka manima ya yandi mpe nyonso, beno telemisa bawu kuna, mpe beno tula kento mutindu. . . telemisa kento mutindu yina. Ya kele kaka mutindu mosi mutindu—mutindu—mutindu ulusu. Makulu ke basika mutindu mosi, mpe maboko ke basika mutindu yayi, kaka mutindu kele muntu. Kasi kimpenzi kele pene-pene mingi kulutila yawu. Ya kele mutindu, kasi bawu lenda mona yawu ve.

²²¹ Beno tala mwa-kinsweki, kana beno zola kuzaba yawu. Beno zaba kisika ya kele? Ya kele ya kubumbama na bawu. Bawu lenda timuna mikwa nyonso bawu zola. Bawu lenda timuna. . . Kisadi-biteki lenda timuna, mpe science, mpe muntu mpe muntu chronologiste lenda teza kitamina ya ntangu na bakuteza ya atomique, kasi ata mbala mosi ve bawu ke simba yawu. Samu ti ya vwandaka nyoka yina vwandaka ya kulutila mutindu muntu na kima nyonso yankaka yina vwandaka na zulu ya ntoto, mpe Nzambi singaka yandi mpe tulaka yandi na zulu ya kivumu ya yandi, mpe yandi kitukaka mbala mosi na nyoka na ata kifwani mosi ve na muntu. Ntangu yayi beno kalata kaka yintu ya beno, beno ba-scientiste, mpe ti beno baka yawu samu na mwa ntangu fyoti.

²²² Kasi Biblia ke tuba ti, “Yandi vwandaka ya kulutila mayela ya yimbi na baniama nyonso ya mfinda.” Ya kele kieleka. Yandi vwandaka nsinga yango yina vwandaka na kati-kati ya muntu mpe dikaku, mpe Nzambi singaka yandi mpe salaka yandi mbala mosi na zulu ya kivumu ya yandi samu na—samu na dyambu yina yandi salaka. Yandi vunaka kento yayi, mpe kento butaka mwana ya yandi ya ntete yina vwandaka Cain, na manima ya nkadulu ya dibanza ya yandi mosi nyoka, dyabulu, yina kotaka na nyoka, yina salaka yawu.

²²³ Mpe na manima yandi kumaka na kivumu mpe butaka, yandi kumaka dyaka na kivumu na manima ya kuvunaka yandi. Ntangu yayi beno tala mbote, ba vunaka yandi, yandi vwandaka mutindu. . . Mbote, yandi salaka yimbi. Kasi yandi, na kutala, vwandaka ya kento ya makwela ntangu yandi kuzwaka kivumu na bakala ya yandi, samu ti ya lendaka vwanda bantangu mingi, mingi na ntwala, bangonda mingi mpe bilumbu mingi na ntwala; beno lenda tuba yawu ve, beto zaba ve, kasi yandi butaka na Adam.

²²⁴ Mpe muntu mpe kuzwaka kyuvu, tubaka, “Mbote, mwana. . . yandi tubaka ti yandi zolaka. . . Na yina Cain kubutukaka, yandi tubaka yandi ‘kuzwaka mwana na Mfumu.’” Kieleka, kieleka, ya fwana vwanda. Ya vwandaka musiku ya yinza. Ya kele kaka mutindu beno kele bubu yayi. Ntangu beno ke butukaka, Nzambi ke kwizaka kaka ve mpe ke salaka

beno. Beno kele nkuna ya tata mpe ya mama ya beno. Mpe beno ke vwanda...ya ke vwanda...bana ya beno ke vwanda bankuna ya beno. Ya kele reproduction ntangu nyonso, yina ke landana, mutindu nkuna ya bayinti mpe bima mutindu yina; kasi kuvutuka na ya ntete. Mu banza ti yina me bangula yawu.

²²⁵ Ntangu yikwa me bikana na beto? Beto kele dyaka ve na ntangu. Beno kuwa na mosi yayi ya mbote samu na kilumbu yankaka...yina beto ke baka Lumingu: “Na nzila ya Mpeve mosi beto nyonso kele ya kubotama na Nzutu mosi...” (Beto ke zola kuzaba yawu.) “. . .Klisto.” Na ntangu... Ntangu yayi, mu banza ti mu ke baka mwa Masonuku, Masonuku ya mbote na zulu ya yawu [Mpangi Branham me pesa mvutu na yayi na Kitini ya II, na kyuvu 60—Mu].

²²⁶ Awa kele na mosi ya mbote, kaka mutindu...Beno lenda kanga kaka dyaka ntima samu na munu minuti mosi to zole, samu na kupesa mvutu na yayi? Ya lenda pesa mvutu yawu mosi.

59. Ntangu—ntangu beno ke tuba “bantu ya yimbi ke kuyokama na tiya ve ya Seko,” . . . (Mbote, ntangu yayi mu me kuzwa Bampangi ya Yehowa na manima, ve?) . . .Ntangu nge ke tuba bantu ya yimbi ke kuyokama na tiya ve ya Seko, nge zola kutuba na difelo to na dizanga ya tiya? Mu zaba ti ya kele ya kutuba na Apocalypse (ya kele kapu ya 20) ti ba ke losa difelo na dizanga ya tiya. Kana bawu ke kuyokama na tiya ve ya Seko, na yina yinki bawu ke kuma?

²²⁷ Kaka mutindu mu vwandaka kaka me tuba, mpangi ya bakala to mpangi ya kento, muntu nyonso ya lenda vwanda; bawu ke zimbana, ata kima ya bawu ke vwanda dyaka. Bawu kuzwaka mbandukulu, mpe awa nsuka ya bawu; bawu kele kaka kima mosi ve. Wapi mutindu ke...bilumbu yikwa bawu ke yokama na tiya, yina kele mpasi na kutuba. Kasi, beno tala, kuna... .

²²⁸ Kana beno lenda kotisa kaka yayi na yintu ya beno, beno me mona, ya kele kaka ngolo ve. Ya kele kaka na mutindu mosi ya Luzingu ya Kukonda nsuka, mpe yina ke katuka na Nzambi Yandi mosi. Mpe Nzambi Yandi mosi kele Luzingu ya Kukonda nsuka. Kana beno ke tala awa na lexique, beno tala mpova ya Grec *Zoe*. *Zoe* kele “Luzingu ya Kukonda nsuka.” *Luzingu ya Kukonda nsukakele* “Nzambi.” Mpe Yesu tubaka, “Mu me pesa bawu Luzingu ya Kukonda nsuka.” Mpe kana nge tala awa na lexique, ya ke tuba, “Zoe.” Ya kele kaka Luzingu ya Kukonda nsuka yina kele. Ata kisika mosi ve na kati ya Biblia kisika Yawu tubaka ti ya kele na difelo ya Kukonda nsuka, ya ke tuba bawu ke kuyokama na tiya “samu na kukonda nsuka mpe kukonda nsuka.”

²²⁹ Ntangu yayi, samu na kuzwa mpova *kukonda nsuka* beno tala *aion— aion*. Beno talaka *awa*, na kati ya Biblia? Bantu yikwa me kuwaka yawu kutuba, “Mpe ba-aion mpe ai-...”? Bantu

yikwa zaba ti *aion* kele “kitamina ya ntangu”? Kasi, kieleka, muntu nyonso zaba ti *aion* kele “kitamina ya ntangu.”

²³⁰ “Mpe bawu ke nyenga na ba-aion,” ya kele bitamina ya ntangu. “Ba ke losa bawu na dizanga ya tiya, mpe bawu ke yokama na tiya na ba-aion.” Ba-aion zola kutuba “bitamina ya ntangu.” Bawu lendaka yokama na tiya nkama ya mafuku ya bamvula na kitumbu kasi, na nsuka, bawu fwana kukwiza na nsuka; samu na kuzimbana, bawu nyonso. Beno me mona, samu ti kima nyonso yina kele ve ya kulunga kele kubaluka ya ya Kulunga; mpe ya kuzwaka mbandukulu, na yawu ya fwana kuzwa nsuka.

²³¹ Kasi beto yina ke kwikila na Mfumu Yesu Klisto kele na *Zoe*, “Luzingu ya Yandi mosi Nzambi” na kati ya beto, mpe kele na Luzingu ya Kukonda nsuka. Ve kele na luzingu samu na kukonda nsuka mpe kukonda nsuka, musumuki kele na luzingu samu na kukonda nsuka mpe kukonda nsuka, kasi beto kele na “Luzingu ya Kukonda nsuka.”

²³² Mpangi ya bakala Cox, ntama mingi ve, vwandaka ya kuvwanda na allée ya munu ntete beto tula . . . na manima beto kuzwa matadi kuna, mpe yandi lokotaka mwa, fosile mosi ya ntama, mpe yandi tubaka, “Mpangi Branham, bamvula yikwa kele na yawu?”

²³³ “Oh,” mu tubaka, “na kulandilaka bilumbu, beto lenda tuba ya kele na bamvula kumi ya mafunda. Mutindu mosi ya mwa, monstre ya ntama ya mubu yina me zinga kilumbu mosi, niama mosi ya fyoti ya mubu, yina lendaka zinga ntama na bansungi yina lutaka.”

²³⁴ Yandi tubaka, “Beno banza kaka mutindu luzingu ya muntu kele nkufi na luzingu *yina*.”

²³⁵ Mu tubaka, “Oh, kasi, mpangi, kima mosi yina kele na nsuka, kasi Luzingu yina beto me kuzwa na Klisto kele na nsuka ve. Yina lendaka zinga zole to tatu samu na *bantangu nyonso*, kasi ata mbala mosi ve ya kele na Luzingu ya Kukonda nsuka, samu ti Luzingu ya Kukonda nsuka ke katukaka na Nzambi kaka.”

²³⁶ Ya Seko, “Yandi yina ke kuwa Bandinga ya Munu mpe ke kwikila na Yandi yina fidisaka Munu, kele na Luzingu ya Kukonda nsuka mpe ke kwiza ATA MBALA MOSI VE na lufundusu kasi ke luta lufwa na Luzingu.” Beno bawu yayi, beno ke kuzwa Luzingu ya Kukonda nsuka na kuvwandaka mukwikidi. Muntu ya kukondwa lukwikilu kele na luzingu samu na kukondwa nsuka. Ya Kukonda nsuka . . . mukwikidi kele na Luzingu ya Kukonda nsuka, mpe lenda kufwa ve samu ti Yawu kele ya Kukonda nsuka.

²³⁷ Kasi mukwikidi, yandi ke kwenda . . . Muntu ya kukondwa lukwikilu ke lutila na yinza, yandi ke kuzwa bampasi, bakyadi; yina yandi ke bokilaka kuzwa ntangu ya mbote, “youpi, kuzwa ntangu ya mbote.” Bakento, vinu, mpe ntangu ya nene, yandi ke

banza kulandila. Yandi ke kufwa, yandi ke kwenda na dizanga ya tiya mpe ya soufre yina ke yokama, kisika kuyokama ke landila samu na kukondwa nsuka mpe samu na kukondwa nsuka, mpe ya lenda vwanda samu na bamvula nkama ya mafuku moyo ya yandi lendaka vwanda na nkwasusu na kati ya dizanga ya tiya mpe ya soufre.

238 Mu . . . Beno ke tuba, “Ya ke vwanda mutindu kaka soufre ya ntangu nyonso?” Mu banza ti ya kele bambala fuku yimbi na yina. Mu banza ti beno ke lenda ve kutuba yawu landila tiya, landila tiya ya kieleka. Ya kele samu na yina kaka ya kele ya kutula “landila tiya,” tiya yina kele kima ya kulutula ke kuyoka na yina kele na beto. Yawu kieleka ke kufwaka mpe ke bebisaka nyonso, tiya ke salaka yawu. Mbote, na yina, ya ke vwanda kuna, kasi beno ke kuzwa moyo yina ke kuzwa kitumbu na mutindu mosi . . .

239 Ntangu yayi, beno fwana kutala mbote mpova *tiya*, samu ti Mpeve-Santu kele ya kubaka “Mpeve-Santu mpe tiya”; samu ti Mpeve-Santu ke yokaka disumu, beno me mona, mpe ke kumisaka ya kutsyema.

240 Kasi tiya *yayi*, ya ke katuka na difelo, ya ke tuba “dizanga ya tiya.” Mpe ata yina ya kele, ya kele kitumbu na nkwasusu. Muntu ya bimvwama telemisaka meso ya yandi, na kuvwandaka na difelo, mpe yandi tubaka, “Fidisa Lazare na mwa maza na musapi ya yandi, samu na kutula na bikoba ya munu, samu ti banlemo yayi ke na kukwamisa munu.” Beno banza ve ti ya kele ve na difelo ke kupela na tiya, mpe difelo ya kieleka, ya kele. Kana ya kele na dyabulu ya kieleka, ya kele na difelo ya kieleka.

241 Kasi, beno me mona, nyonso yina kele ya kubaluka kele na nsuka na yawu, samu ti yawu na nsuka fwana vutuka na kutsyema mpe busatu yango ya Nzambi. Mpe Nzambi kele ya Kukonda nsuka; mpe kana beto ke na Luzingu ya Kukonda nsuka, Nzambi kele na kati ya beto, mpe beto lenda dyaka ve kufwa ti Nzambi lenda kufwa. Beno bawu yayi.

242 Ntangu yayi, mukanda kieleka Yawu mosi ke bangula, beno me mona, mpe ke sungika yawu. Ntangu yayi, beto mona, mu vwandaka . . . Mu zaba ve kana . . . Yinga:

“Yinki—yinki bawu ke kuma?”

243 Bawu ke zimvana, ya kele dyaka ve na kima ya bawu: moyo ke kwenda, mpeve ke kwenda, luzingu ke kwenda, nzutu ke kwenda, mabanza ke kwenda, mbanzulu ke kwenda.

244 Mpe ya ke vwanda dyaka ve na mabanza ya dyabulu, to dyaka, dyaka yawu salamaka, na Nkembo. Ya kele kieleka, ya ke vwanda nyonso . . . Beno lenda banza, ti awa ke vwanda na bantu awa na kitini yayi . . . ?

245 Biblia ke tuba ve, “Mpe mabanza ya bantu ya yimbi ke kufwa”? Mabanza ya yawu ya kieleka ke kufwa.

246 Awa ke vwanda na muntu na lweka *awa*, awa kele na Nzambi Muntu ya Nene ya Santu *awa*, mpe na kuzabaka ti kaka kuna kele na dibulu na myoyo ke na kuyokama na tiya na kati ya yawu? Mbote, yina ke lenda vwanda ve Mazulu. Mabanza ya kieleka, mbankuzulu ya kieleka, nyonso yina kele yina ba me bebisa, konso dibanza ya dyabulu, nyonso ke kufwa, mpe nyonso yina kele ya dyabulu na kati ya yawu. Mpe beto ke vwanda kima mosi ve kasi ya kuvedila, na *Zoe*, Luzingu ya Nzambi; tii na Seko, mpe kulandila ya bansungi, mpe kulandila, mpe kulandila, mpe kulandila, mpe kulandila; Yawu ke suka ata mbala mosi ve, ya ke vwanda Kukonda nsuka!

247 “Bawu kotaka na kitumbu ya *kukondwa nsuka*, kasi bantu ya kudedama kotaka na Luzingu ya Kukonda nsuka.” Beno ke bakula yawu? Kitumbu ya *kukonda nsuka*, Luzingu ya Kukonda nsuka, wapi mutindu ya luswaswanu!

248 Ntangu yayi, beno me mona, ya ve . . . Ntangu yayi, mu zaba, samu na beno, bana ya munu ya luzolo, mu—mu ke zola ve kumeka kumonikisa munu mosi mutindu yina zaba nyonso. Kana mu sala yawu, . . .

249 Ntangu yayi, mu kele dyaka na bakyuvu tatu to yiya ya mbote. Mu ke baka yawu Lumingu na suka, kana Mfumu zola.

250 Ntangu yayi, beno tala. Beno me mona, yayi ke vumbula byuvu. Mu kele mulongi ya ntama. Mu—mu—mu—mu me kuma na bamvula makumi zole na sambanu na kati ya ministère. Mpe mu—mu kele na luzabu mingi samu na yayi, ti mu lenda tuba yayi, ya munu. . . Ata mbala mosi ve ti mu me mekaka na kumonikisa kima na luzingu ya munu kukondwa ntete ti ya kuvwanda ya kumonana. Mpe mu ke vutula matondo mingi ti Wanzio ya Mfumu. . . Na yina mu kuzwaka ve ndongosolo, baluzabu ve. Mpe Wanzio yayi kulumukaka, mpe me vwanda lusalusu ya munu yina Nzambi fidisaka. Mpe Yandi ata mbala mosi me tubaka kima mosi kasi yina kieleka ke fwanakana katuka Genèse tii Apocalypse na yawu, na mutindu ti. . . Mu sonikaka na nswalu nyonso ntangu Yandi tubaka, “Mpe nge—mpe nge ke kuzwa dikabu ya kubeluka ya Kimpeve.” Mpe mu notikaka kaka yawu mutindu Yandi tubaka yawu.

251 Mpe pene ya bamvula tatu na ntwala, mubongisi me benda dibanza ya munu—ya munu na yawu, yandi tubaka, “Mpangi Branham, nge me tala yawu? Ya kele kieleka ya kulunga ti Yandi tubaka na nge ‘dikabu mosi.’”

252 Beno me mona, tubaka ve “dikabu.” Mpe muntu nyonso—nyonso na Biblia. . . konso dikabu kele “dikabu” kasi kubeluka ya Kinzambi, mpe yawu kele “dikabu mosi.” Ya kele “makabu ya lunyakusu.” Beno lenda kuzwa mitindu nyonso ya makabu ya lunyakusu, na mitindu yankaka. Kasi, nyonso yankaka kele “dikabu”: “dikabu” dikabu ya profesu, “dikabu” dikabu ya *yayi*. Kasi kubeluka ya Kinzambi kele na mingi: “makabu.” Mpe mu

talaka yawu ve, ti Mpeve-Santu kele kieleka ya kulunga. Oh, lusakumunu vwanda na Mfumu!

²⁵³ Beno ke bakula ti Mpeve-Santu mosi yina sonikaka Biblia yango, na nzila ya bankama ya bantu, na bankama ya bamvula na kati-kati . . . mpe ata mosi ya bawu kuswaswanaka na mosi na ya yankaka, mosi na mosi ya bawu vwandaka ya kulunga; mpe ata mosi kuwaka na mosi na yankaka.

²⁵⁴ Mpe Paul kwendaka kuna, mpe kuna na Arabie, mpe kwendaka ve bamvula kumi na yiya na Jérusalem, kasi vwandaka kuna na Jérusalem mpe kuna . . . katuka . . . kwendaka ve na Jérusalem. Kasi kuna na Arabie, mpe bandaka na kulonga, mpe monanaka ve na Pierre mpe bayankaka ya bawu bamvula kumi na yiya. Mpe ntangu bawu vukanaka, bawu vwandaka longi kieleka kima mutindu mosi: mbotika na Nkumbu ya Yesu Klisto, mpe kubeluka ya Kinzambi, mpe ngolo ya Nzambi.

Oh!

Mu kele na kyese mingi na kutuba ti mu kele mosi ya bawu.

Mosi ya bawu, mu kele mosi ya bawu,
Mu kele na kyese mingi na kutuba ti mu kele mosi ya bawu; (Alleluia!)

Mosi ya bawu, mu kele mosi ya bawu,
Kele kaka na kyese mingi ti mu lenda tuba ti mu kele mosi ya bawu.

Ya kele pene na bisika nyonso bantu,
Bayina bantima nyonso kele ya kulezima,
Na Tiya yayi yina kubwaka na Pantekote,
Yina sukulaka mpe vedisaka bawu;
Oh, Ya ke na kupela ntangu yayi na kati ya ntima ya munu,
Oh, nkembo na Nkumbu ya Yandi!
Mu kele na kyese mingi ti mu lenda tuba ti mu kele mosi ya bawu.

Bawu vwandaka ya kuvukana na kivinga ya zulu,
Bawu nyonso vwandaka sambila na Nkumbu ya Yandi,
Bawu vwandaka ya kubotama na Mpeve-Santu,
Mpe ngolo ya kimalu kwizaka;
Ntangu yayi yina Yandi salaka samu na bawu kilumbu yina
Yandi ke sala samu na beno mutindu mosi,
Mu kele na kyese mingi ti mu lenda tuba ti mu kele mosi ya bawu.

Mu kele mosi ya bawu, mu kele mosi ya bawu,
 Mu kele na kyese mingi na kutuba ti mu kele
 mosi ya bawu; (Alleluia!)

Mosi ya bawu, mosi ya bawu,
 Mu kele na kyese mingi ti mu lenda tuba ti mu
 kele mosi ya bawu.

255 Beno kuwa, mu kele na mwa nsangu samu na beno:

Beno kwiza, mpangi ya munu, kusosa
 lusakumunu yayi
 Yina ke vedisa ntima ya nge na disumu,
 Yina ke sala ngunga ya kyese kubula
 Mpe ke bumba moyo ya beno na tiya;
 Oh, ya ke na kupela ntangu yayi na kati ya
 ntima ya munu,
 Oh, nkembo na Nkumbu ya Yandi,
 Mu kele na kyese mingi ti mu lenda tuba ti mu
 kele mosi ya bawu.

256 Beno kele ve na kyese ti beno kele mosi ya bawu? Yinki ya kele? Ya kele Mpeve yina ke monikisaka. Ya kele luzayikisu ya Nzambi, “Na zulu ya ditadi yayi.” Mu ke kipe ve kana archevêque. . .

257 Nganga-Nzambi ya Katolika vwandaka, ntama mingi ve, na yinzo ya munu. Mpe yandi tubaka, “Tata Branham, mu me kwiza na kuyufula na nge.”

Mu tubaka, “Mbote mingi, tata.”

258 Yandi tubaka, “Mu kele na mukanda awa yina me katuka na évêque, samu na nge.”

Mu tubaka, “Mbote mingi, tata.”

259 Yandi tubaka, “Bakutuba yina nge ke salaka, nge lenda telemisa diboko mpe kudya ndefi nge mosi ti nge ke tubaka kieleka?”

260 Mu tubaka, “Mu ke sala ve.” Mu tubaka, “Biblia ke tuba, ‘Beno kudya ata fyoti ve ndefi, na mazulu to na ntoto (samu ti ya kinyatila ya Yandi). Ti kundima ya beno kuvwanda kumanga mpe kundima.’ Kana évêque zola kuwa yina mu fwana tuba, yandi ke baka ndinga ya munu samu na yawu. Kana yandi manga, mu ke kudya ndefi ve.”

261 Ntwenya yayi ya nganga-Nzambi awa na dibuundu ya Sacré Coeur, yandi tubaka, “Nge botikaka Pauline Frazier na kilumbu *yayi-yayi?*”

262 Mu tubaka, “Mu salaka, tata, kuna na Nzadi ya Ohio.”

263 Yandi tubaka, “Wapi mutindu nge botikaka yandi?”

264 Mu tubaka, “Mu botikaka yandi na kukotisaka yandi na kati ya maza na Nkumbu ya Mfumu Yesu Klisto.”

265 Yandi me sonika yawu. Yandi tubaka, “Nge zaba, dibuundu ya Katolika vwanda botikaka mutindu yina.”

Mu tubaka, “Na wapi ntangu?”

Yandi tubaka, “Na nsungi ya ntete.”

Mu tubaka, “Na wapi nsungi ya ntete?”

Yandi tubaka, “Mbote, na mbandukulu.”

Mu tubaka, “Na wapi mbandukulu?”

Yandi tubaka, “Na kati ya Biblia.”

Mu tubaka, “Nge zola kutuba ya nte- . . . na—na bilandi?”

Yandi tubaka, “Kieleka.”

Mu tubaka, “Nge zola kutuba ti bantu ya Katolika, to, . . . ? Nge ke tuba ti bilandi vwandaka bantu ya Katolika?”

Yandi tubaka, “Kieleka, bawu vwandaka.”

Mu tubaka, “Mu vwanda banza ti dibuundu ya Katolika sobaka ve?”

Yandi tubaka, “Yawu ve.”

266 Mu tubaka, “Na manima samu na yinki Pierre kutubaka, ‘Beno balula ntima ya beno, mpe beno botama na Nkumbu ya Yesu Klisto?’ Mpe nge ke tuba ya vwandaka . . . ti yandi vwandaka paapa?”

267 “Yinga.”

268 “Na yina samu na yinki beno ke botikaka na nkumbu ya ‘Tata, Mwana mpe Mpeve-Santu?’ Mpe yandi kotisaka na kati ya maza, mpe beno ke mwangisaka ma maza. Ntangu yayi yinki me salama?”

269 Yandi tubaka, “Kasi, beno me mona,” yandi tubaka, “dibuundu ya Katolika kele na ngolo ya kusala kima nyonso bawu zola kusala.” Huh.

270 Mu tubaka, “Mpe nge ke bokila bilandi bantu ya Katolika?”

271 Yandi tubaka, “Yinga.”

272 Mu tubaka, “Tata, mu kele na Josèphe, mu kele na *Buku ya ba-Martyr ya Foxe*, Mu kele na *Bansungi ya Ntete* ya Pember, mu kele na *ba-Babylone Zole* ya Hislop, masolo ya kulutila ntama ti ya kele na kati ya yinza, beno lakisa munu na kati kuna kisika dibuundu ya Katolika sala to kotaka na organisation . . . bamvula nkama sambanu na manima ya lufwa ya ntumwa ya nsuka.”

“Oh,” yandi tubaka, “beto ke kwikilaka na yina dibuundu ke tubaka.”

Mu tubaka, “Mu ke kwikila na yina Biblia ke tuba.” Beno me mona?

“Kasi,” yandi tubaka, “Nzambi kele na kati ya dibuundu ya Yandi.”

273 Mu tubaka, “Nzambi keke na kati ya Ndinga ya Yandi.” Mpe mu tubaka, “Kana . . .” Yandi tubaka . . . Mu tubaka, “Biblia ke tuba ve ti Nzambi keke na kati ya dibuundu ya Yandi, kasi Biblia ke tuba ti Nzambi keke na kati ya Ndinga ya Yandi. ‘Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi; mpe zingaka na kati-kati ya beto.’” Ya keke kieleka. Mu tubaka, “Nzambi keke na kati ya Ndinga ya Yandi.”

274 Yandi me basika mpe me kwenda tuba yawu. Yandi tubaka, “Mbote, beto lenda swana ve,” yandi tubaka, “samu ti nge ke kwikilaka na Biblia, mu ke kwikilaka na dibuundu.”

275 Mu tubaka, “Mu ke kwikila ti Biblia keke Ndinga me pesama na Nzambi mpe ya keke na ata luswaswanu mosi ve na Yawu. Mpe Yawu keke Ndinga ya Nzambi, manaka ya Yandi ya Kukonda nsuka samu na bansungi nyonso ke kwiza. Yandi tubaka, ‘Mazulu mpe ntoto ke luta kasi Ndinga ya Munu ke luta ve.’ Ya keke kieleka. Mu ke kwikila na Ndinga.”

276 Yandi kwendaka na Mama Frazier. Yandi tubaka, “Mama Frazier, nge lenda tula kidimbu na mukanda awa ti nge ke ndima ti mwana ya nge ya kento lenda vwanda mambele ya dibuundu ya Katolika?”

277 Yandi tubaka, “Mu ke zola mingi kukwenda na yandi na ndyamu.”

278 Yandi tubaka, “Mawa na nge.” Yandi tubaka, “Nge fwana tonda ti mwana ya kento yango kubasika na buzoba yina, na kukota na dibuundu ya Katolika.”

279 Yandi tubaka, “Yinki kana ya vwandaka mwana ya beno ya kento vwandaka kwiza na dibuundu ya munu, yinki beno zolaka sala samu na yawu?”

280 “Oh,” yandi tubaka, “yina keke mutindu yankaka.”

281 Yandi tubaka, “Ve, ya keke ve.” Yandi zabaka ti yandi vwandaka kisika mosi ntangu yandi bikaka mwa kento yango kuna. Yandi zabaka ti yandi vwandaka kisiksa mosi. Yandi tubaka, “Ntangu yayi, mwelo mosi yina nge kotilaka keke mwasi.”

282 Beno me mona, beno tala mutindu. Ba tambula na zulu ya beno ve, ba fwana tambula ve na zulu ya beno. Kana Nzambi keke ya beno, nani ke telemina beno? Kieleka! Dyambu ya yawu keke bubu yayi, beno keke na mukwa ya nsusu na kisika ya mukongo. Beno telama samu na Nzambi mpe samu na kieleka!

283 Mpeve-Santu mosi yina kulumukaka na zulu ya bantumwa yango mpe na bansungi ya ntama, keke dyaka na kati ya Dibundu bubu yayi, na bayina Nzambi Yandi mosi kumonanaka. “Ve na yandi yina zola, to na yandi yina ke sala, kasi na Nzambi yina ke talaka kyadi.” Ya keke Nzambi, na nzila ya nsodolo ya Yandi, ke nataka bantu mpe ke zibula bawu

meso. Beno lenda mona Yawu ve, beno kele mpofu, mpe beno lenda kumona ve kana Nzambi kuzibula beno lubakusu. Biblia ke tuba beno kele mpofu, mpe beno lenda kumona ve. Ya kele na ata nsatu ya kumeka na beno. Na ndongosolo nyonso, na luzabu nyonso beno lenda kuzwa, beno ntangu nyonso kaka ke kumaka mpofu.

²⁸⁴ Ntangu yayi, beno Dibuundu ya Klisto awa, beno ke “zonzaka kisika Biblia ke zonzaka, mpe kele swi kisika ya kele swi,” wapi mutindu samu na Yayi? Beno kele kieleka swi samu na Yawu. Kieleka.

²⁸⁵ Beno me mona, ya ke lomba luzayikisu ya Kieleka ya kimpeve. Na yina Nzambi me kulumuka mpe me monana Yandi mosi mpe me pesa kimbangi ya Yawu na kuvwandaka Kieleka. Amen! Beno zola Yandi? Mutindu mosi na munu. Amen.

²⁸⁶ Mbote mingi, beno nyonso ba-Méthodiste beno zola kupesana maboko na ba-Baptiste ntangu yayi? Beno ba-Presbytérien?

²⁸⁷ “Na yina,” nge ke tuba, “Mpangi Branham, ti nge ke zenga kubundana na ba-Baptiste mpe ba-Presbytérien yina ke boti- . . . ?”

²⁸⁸ Ve, tata, ve. Mu ke tala bawu mutindu bampangi ya munu. Kieleka! Mu ke kipe ve kana beno botamaka ata fyoti ve, kana beno botamaka na nkumbu ya “Rose ya Saron, Lis ya Vallée, mpe Mbwetete ya Suka,” yina zola ve. . . ya zolaka vwanda kaka mbote mutindu “tata, Mwana, Mpeve-Santu.” Kaka bisalu tatu. Yandi vwandaka Rose ya Saron. Yandi vwandaka ve? Lis ya Vallée, Mbwetete ya Suka, nyonso yina. Kieleka, Yandi vwandaka. Kaka kima mosi to yankaka. Kasi beno tala yina ya kele: mutindu ya kulunga ya Masonuku kele na Nkumbu ya Yesu Klisto. Kana beno zola mutindu ya Masonuku, beno tala kieleka. Ya kele mutindu ya kulunga.

²⁸⁹ Ntangu yayi, kana beno kele ya kubotama na nkumbu ya “Tata, Mwana, mpe Mpeve-Santu,” ti beno ke tala mutindu ti ya kele nyonso ya kulunga, amen. Kana ya kele mvutu ya mbote na Nzambi na ntuala ya konsiansi ya mbote na Nzambi, amen. Beno kwenda kaka na ntuala, beno me mona.

²⁹⁰ Kasi ntangu nyonso yina ya ke tala munu, samu na munu, kana beno yufula munu, beno tuba, “Mpangi Branham, mu lenda botama dyaka?” Mu ke tuba, “Yinga,” samu na munu.

²⁹¹ Ntwenya ya kento kwizaka awa kilumbu yankaka yina, yandi tubaka, “Mfumu me bokila munu na kuvwanda mulongi.” Mu kwikilaka yawu ve, ve mutindu ya kulutula mu ke kwikila ti—ti yandi lendaka dumuka na zulu ya ngonda. Mpe yandi . . .

²⁹² Mu tubaka, “Mbote, yina kele kieleka mbote, mpangi ya kento.” Mu tubaka, “Nge kele ya kukwela?”

“Yinga.”

“Nge kele na bana zole?”

“Yinga.”

Mu tubaka, “Yinki kele...? Bakala ya nge kele ya kuvuuka?”

“Ve.”

Mu tubaka, “Yinki nge ke sala na yandi?”

“Mu ke bika yandi na yinzo.”

293 Mu tubaka, “Beno tala mutambu ya mbote yina dyabulu me kuzwaka ntete ve. Nge kele kento ya kitoko na kubanda, mpe kukwenda mutindu yina awa na bilanga ya kulonga, nge ke vwanda mutambu ya ntangu nyonso mpe kikuma samu na dyabulu. Mpe bakala ya nge, na yinzo, ntwenya ya bakala, mpe nge ke bika yandi na bana zole yayi; yandi ke banda na kubasika na kento yankaka, mpe bana yayi ke kuzwa papa yankaka mosi ya bilumbu yayi.” Mu tubaka, “Kima ya ntete, kana Nzambi bokila kento, Yandi ke telemina Ndinga ya Yandi.” Mu tubaka, “Ntangu yayi, kana nge zola, ya kele kaka mbote.” Mu tubaka, “Ntangu yayi, samu na kumona mabanza, nge ke tuba ti Mfumu pesaka nge kuswasikisa mabanza. Nge zola kukwenda, na estrade, mpe kumeka yawu?”

294 Yandi tubaka, “Yinga.” Mpe beno monaka yina kusalamaka.

295 Beno me mona, ya kele emotion. Ya fwana katuka na Ndinga. Kana ya kele ve na kati ya Ndinga, na yina ya kele kieleka ve. Mu ke kipe ve yinki ba-emotion ya beno kele, ya kele ya kulunga ve. Amen! Ya ke wakana mbote. Amen!

296 Mbote mingi:

Beto ke tambula na Nsemo, Nsemo mosi ya
kitoko mingi,
Beno kwiza kisika kyadi ke kubwaka;
Lezima na beto kilumbu mpe mpimpa,
Yesu, Nsemo ya yinza.

Beno nyonso basantu ya Nsemo beno tuba,
Yesu, Nsemo ya yinza;
Kuna bangunga ya Mazulu ke wakana,
Yesu, Nsemo ya yinza.

Beto ke tambula na Nsemo, Nsemo mosi ya
kitoko mingi,
Beno kwiza kisika kyadi ke . . .
Lezima na beto kilumbu mpe mpimpa,
Yesu, Nsemo ya . . .

297 Ntangu yayi mu zola muntu nyonso kubaluka kaka mpe kupesana maboko, na balweka nyonso yiya ntangu yayi, na yina beto ke yimba dyaka yayi:

Beto ke tambula na Nsemo, Nsemo mosi ya
kitoko mingi, (Amen!)
Beno kwiza kisika kyadi ke kubwaka;
Lezima na beto kilumbu mpe mpimpa,
Yesu, Nsemo ya . . .

298 Beno ke zola ba-Méthodiste? Beno tuba “Amen.” [Dibuundu me tuba, “Amen.”—Mu.] Ba-Baptiste? Ba-Presbytérien? Katolika? . . . Oh, beno ke zola bawu nyonso? Beno tuba “Amen.” [“Amen.”]

Beto ke tambula na Nsemo, ya kitoko . . .

Beno pesana maboko, na yina beto ke kwenda.

Oh, beno kwiza kisika kyadi ke kubwaka;
Lezima na beto kilumbu mpe mpimpa,
Yesu, Nsemo ya . . .

299 Ntete beto yimba nkunga ya beto ya kukanga . . . Ntangu yayi, ya lenda vwanda ti mu ke vwanda dyaka awa Lumingu. Ntangu yayi, na manima ya yawu mu ke vwanda dyaka ve tii manima ya Nowele. Beno me mona, samu ti mu ke na kwendaka na Michigan, katuka Michigan na Colorado, katuka Colorado kuna na Idaho, katuka Idaho kuna na Californie, mpe beto ke vutuka. Mpe ya lenda vwanda (Mu zola beno kusambila samu na munu) mu ke vwanda na Waterloo, na Iowa, kubanda na kilumbu ya makumi zole na yiya ya Ngonda ya ntete tii na kilumbu ya zole ya Ngonda zole. Beno me mona, na stade ya nene yina kuna, mu me kuzwa kaka mbokolo mwa ntama mingi ve, mpe mu kele na ntangu kubanda ntangu yayi tii Lumingu samu na kusambila. Beno me mona, na Waterloo, na Iowa, yina kele ntama mingi ve.

300 Kasi ntangu yayi, beno bambuka moyo, na kuwa nsamununu ya mpangi ya bakala na ngunga ya yivwa, na Sabala na suka. Beto ke bokila yandi mpe ke tuba na yandi. Mpe ya ke vwanda na WLRP, kimvuka yiya ya Neville na ngunga ya yivwa, na Sabala na suka. Beto ke . . . Kana mu—mu baka yawu ve, Mpangi Neville ke manisa bakyuvu. Nge zola, Mpangi Neville, na Lumingu na suka? [Mpangi Neville me seka mpe me tuba, “Ya kele lutumu ya nene”—Mu.] Mbote, tala, kana nge kuma na mpasi, mu ke sadisa nge. Yandi ke tala. Mbote mingi.

301 Mbote mingi:

Baka Nkumbu ya Yesu na nge,
Nge mwana ya mawa mpe ya kiadi;
Yawu ke pesaka nge nsayi, mpe ngolo,
Oh, baka yawu kisika nyonso nge ke kwenda.

Nkumbu ya ntalu, Oh Nkumbu ya mbote!
Kivuvu ya ntoto mpe kyese ya Mazulu;
Nkumbu ya ntalu, Nkumbu ya ntalu, Oh
Nkumbu kitoko! Nkumbu kitoko!
Kivuvu ya ntoto mpe kyese ya Mazulu.

³⁰² Ntangu yayi, kana beno zola kuzaba Baptiste yina ke kwikilaka na kuboka, ya kele mutindu ya kuboka mu ke kwikilaka. Mama ya kiboba yina vwandaka kaka ya kuvwanda kuna, mpe Mpeve me kwiza na zulu ya yandi. Yandi me banda na kuboka, yandi vwanza lenda ve na kukanga yawu, yandi me pusana mpe me kangama mwana ya yandi ya kento. Ya kele mutindu mu zola kumona yawu. Amen. Ya kele kieleka mbote, bakuwa ya ntima, na mutindu ya ntama. Oh, la la, kiboba—kiboba, ya santu yina me kula, kele na kimbangi, me yilama na kukwenda na yinzo na Nkembo. Yandi ke na kuingila kaka na mbokolo, beno me mona, ke na kuzwaka kaka ntangu ya mbote.

Mbote mingi, Mpangi Neville ntangu yayi, samu na yina yandi zola kusala.



BAKYUVU MPE BAMVUTU NA ZULU YA HEBREUX KITINI YA I KNG57-0925
(Questions and Answers on Hebrews Part I)

BANDANDANI YA NDIATULU, NTUMUNU MPE MALONGI YA DIBUUNDU

Nsangu yayi ya Mpangi William Marrion Branham, kulongamaka na Kingelesi, na Kilumbu ya tatu na nkokila, na kilumbu ya 25 ya Ngonda ya yivwa, na mvula 1957, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org